











Digitized by the Internet Archive
in 2015


















BARPTO

LOMAEI COCLITIS BO=
noniensis, naturalis Philosophiæ
ac Medicinæ Doctoris, Physio
gnomiae & Chiromantiæ
Compendium.

ARGENTORATI, ANNO
M. D. XXXIII.

ВАНТО

1



PHYSIOGNOMIA SCIENTIA prorsus regia, qua mores hominū coniecturis extrarijs plane solent innotescere. Siquidem uultus proditor est animi incessus, cor ipsum nudat, et uoces, autore Aristotele, notæ sunt interiorum cogitationum, quæ omnia sub Physiognomica ueritate continetur. Lulius silla, Caesar dictator, duce hoc naturali iudicio mores aduersarios suo uulpe latentes (ut canit Horatius) non semel exacteprehenderunt. Plautus quoq; nitoris comici parens, lenones aut facinorosos homines uberi sermone delinians, corporeis signis infamibus, infames esse significare cōtenditur. Præterea uates epigrammaticus naturæ se non penitus ignarum professus est, cum Zoylum hominem pessimū, pessimis corporis mendis nota satyrica perstrinxit. Idcirco academici ac peripatetici testantur philosophi, animam nostram corporis habitum sequi, quorum omnium peritissimus Plato in sua physiognomia scribit his uerbis. Homo qui membra habet similia alicui animali, illius sequitur naturam, ut qui nasum aquilinū moribus aquilinis uiuit, hoc est magnanimitate, crudelitate & rapacitate. Qui uero uultum sicut canes Hispani habent, tales iracundi & loquaces iudicantur à metopostopis. Exemplificat præterea de pluribus alijs animalibus, quæ hic breuitatis gratia emittuntur. Est igitur physiognomia scientia passionum animæ naturalium, corporisq; accidentiū, habitum iucissim permutantium utriusq;. Versatur igitur

PHYSIOGNOMIAE

circa duo complexionem scilicet & compositionem humani corporis, quæ per exteriora signa, utpote colorem staturam, mores membrorum,figurationes ea quæ intrinsicæ sunt hominis manifeste propalant. Dimissa igitur prolatione uerborum, paruulo hoc epitomate quisq; magna, sparsim hinc inde in multis antiquorum uoluminibus tradita, facillime comparabit.

DE SIGNIS CORPORVM SANORVM & ægrorum, ex parte quatuor complexionum.



SIGNA CORPORIS CALIDAE complexionis. Cap. I.

Corpora naturaliter calida, cito crescunt & bene. ut patet in infantibus, ac impinguantur, & desiciantur.

COMPENDIUM.

Sur, uenæ apparent sibi per loca anhelitus eorum est manifestus, uox firma, fortis & grossa, in coitu sunt fortia, & plurimum appetitiua, bene comedunt, & digerunt, ac gestant, multis abundant capillis & pilis per loca, qui parum sunt grossi & ericij, quod cōtingit à multo calore cordis, ut patet in leone, gallo.

SIGNA CORPORIS FRIGIDAE

complexionis. Cap. II.

Corpora naturaliter frigida, tarde crescunt, parum impinguantur, uenæ apparent sibi manifeste & magnæ, anhelitus eorum paruus, uel quasi absconditus, uox in auditu subtilis, uel acuta, in coitu sunt debilia, & raro eorum appetitiua, parum comedunt, male digerunt & gestant, in pelle sunt alba, siue rosca colore. Capilli eorū sunt extensi & longi, siue sint nigri siue albi, & sunt subtiles, facile timēt & expauescūt, & ad laborandū sunt debilia.

SIGNA CORPORIS HUMIDAE

complexionis. Cap. III.

Corpora naturaliter humida, in carne sunt mollia & leuia, eorum iuncturæ sunt occultæ, & paucae fortitudinis, unde parum possunt durare laborem. Timida sunt & pauca quasi ex omni, male dormiunt, sæpe mouentur ad luxuriam. Nuda sunt pilis, eorū oculi sæpe lachrymant, pili & capilli eorum sunt extensi, & subtiles, & boni ingenij ad addiscendum.



SIGNA CORPORIS SICCAE

complexionis. Cap. III.

Corpora naturaliter sicca in tactu sentiuntur aspera, in carne macra sunt, in labore fortia & durabilia, libenter & cōueniēter comedūt, iuncturæ mēbrorū sibi sunt manifestæ. Capilli & pili sibi sunt grossi, asperi, & crispi.

SIGNA CORPORIS TEMPE-

rati & sani. Cap. V.

Corpora temperata & sana, bene comedunt & bibunt, iuxta conuenientiā sui digerunt & disponunt, res ei sapiunt bonæ, famescunt in horis conueniētibus, gaudent cum gaudentibus, bene dormiūt suos somnos, se leuia sentiunt, & uadunt leuiter. Cito sudant, raro uel nunq̃ ster nutant, mediocriter impinguantur, in facie sunt colorata, in tactu sunt calida, in eis quinq; uigent sensus conuenienter iuxta conuenientiam ætatis, corporis & horæ.

Signa



SIGNA CORPORIS DISTEMPERATI, & male sani. Cap. VI.



Corpora distemperata & male sana, in oïbus sunt dissimilia corporibus temperatis, & bene sanis. Vnde male comedunt, non curant bibere male digerunt, & disponunt, res eis non bene sapiunt, in horis conuenientibus, non se plene tribuunt gaudētibus, immo quasi tristificantur, & manent tristes, male dormiūt suos somnos, graues se sentiunt, & grauiter uadunt, & raro sudant, uel non sudant, ositant saepe, uel

PHYSIOGNOMIAE

Sternutant, brachia extendunt, in facie sunt pallida, uel nimis colorata, quinque sensus male uigent, non possunt diu sufferre laborem, cito rerum obliuiscuntur, multum sputant, in naribus eis abundant superfluitates, quasi ad omnia sunt pingues carnes, conflant ut nasum, et quandoque pedes, manus et oculi lachrymant.

DE CAPILLIS. Cap. VII.



Capilli plani, et extensi, et in colore albi, uel blundi, si sint subtiles et molles, significant hominem naturaliter timidum corde, debilem uiribus, pacificum in societatibus, ubique conuenientem et mansuetum.

Capilli grossi et ericij, ac breues, significant hominem naturaliter fortem, securum, audacem, inquietum, uanum, saepe fallacem, cupidum pulchrorum, et plus simplicem quam sapientem, licet fortuna ei faueat.

Cuius

COMPENDIUM.

*Cuius capilli sunt multum crispī, significant hominem
duri ingenij, aut multæ simplicitatis, siue utrunq; &c.*



*Cuius capilli sunt multi super tempora faciei, & super
frontem, quibus frons ualeat iudicari pilosa, significant ho-
minem simplicem, nanum, luxuriosum, cito credentem al-
teri, in moribus & loquela rusticalem, & grossi ingenij.*

*Cuius capilli sunt multum ericij, & eleuati, & cæsæ-
ræ ex sua tortuositate, significant hominem ualde simpli-
cem, audacem, superbū, duræ capacitatis, uelocis iræ, men-
dacē, luxuriosum, maliciosum, in malo præsumptuosum.*

*Cuius capilli in angulo frontis sunt ualde ericij, & om-
nes eleuati, uel partim ex eis, sitq; frons calua, significant
hominem simplicem, & partim maliciosum cum sagaci-
tate modicum.*

Cuius capilli sunt multi, id est spissi per totum caput, si-

P H Y S I O G N O M I A E

gnificant hominem luxuriosum, & bonæ digestionis, uanum, uelocis crudelitatis, pigrum in agendis, mali memoriae, cupidum multorum, ac infortunatum.

Cuius capilli sunt rubei, significant hominem inuidum, uenenosum, fallacem, superbum, & maliloquum.

Cuius capilli sunt ualde blundi, significant hominem conuenientem ad omnia, amantem honorem, & uana gloriam habentem.

Cuius capilli sunt ualde nigri, significant hominem conuenientem ad omnia, plus ad bonum quàm ad malum, in officio & opere studiosum, secretum, fidelem, & non bene fortunatum.

Cuius capilli sunt quasi albi, uel glauci, significant hominem bonæ conditionis, & conuenientem ad omnia timidum, uerecundum, debilem, boni ingenij, tenere capacitatis, duram ac crudelem fortunam habentem.

Cuius capilli sunt mediocres in quantitate & colore, significant hominem conuenientem, & plus tendentem ad bonum quàm ad malum, amantem uitam pacificam, mundiciam & bonos mores.

Cuius capilli tempore iuuentutis sunt cani & calui, significant hominem mouentem sepe ad luxuriam, uanum, audacem, instabilem, loquacem.

DE FRONTE. Cap. VIII.

Frons multum eleuata in rotundum, significat hominem liberalem amicis & notis, lætum, boni intellectus, alteri tractabilem, & multis gratijs uirtuosum.

Cuius

COMPENDIUM.



*Cuius frons est plana pelle & osse, & non continens
rugas, significat hominem de facili litigantem, uanum, fal-
laciem; plus simplicem quàm sapientem.*



*Cuius frons est nimis parua ex omni parte, significat
hominem simplicem, cito irascibilem, facilis crudelitatis,
cupidum*

PHYSIOGNOMIAE

cupidum rerum pulchrarum, curialem.

Cuius frons est bene rotunda in angulis temporum, ut ossa quasi appareant, et nuda pilis, significat hominem boni ingenij, et clari intellectus, multae audaciae, in malo magnanimū, cupidū pulchrorū mundanorū et honoris.

Cuius frons est cuspida in angulis temporum, ut ossa quasi foris permaneant, significat hominem uanum et instabilem, in omnibus debilem, simplicem et tenere capacitatis.

Cuius frons est in temporibus quasi conflata grossitudine carnis, scilicet, quod habeat maxillas carne plenas, significat hominem multi animi, superbum, iracundum, et grossi ingenij.

Cuius frons est rugosa, et decliuus à medio, ut sit quasi duplex in facie nasi, siue habeat uallem siue non, significat hominem simplicem, magnanimum, magni ingenij, et crudelis fortunae.

Cuius frons est magna ex omni parte, et aliquantulum rotunda ubiq; ac nuda pilis, uel calua parum, uel satis, significat hominem audacem, boni ingenij et intellectus, sagacem, maliciosum, magnanimum, magnae irae non bene legalem, et ideo facile mendacem.

Cuius frons est ualde longa et alta in rotundum, ita quod facies uersus mentum sit figurata in acutum, significat hominem simplicem, debilem, conuenienter legalem, et crudelis fortunae.

DE CILIIS. Cap. IX.

Cilia



Cilia artuata multum, & quæ frequenti motu eleuantur in altum, significant hominem superbum, animum, uana gloriosum, audacem, minacem, cupidum pulchrorum, & conuenientem ad utrâq.

Cuius cilia sunt deorsum declinata, cum alteri loquitur uel alterum intuetur, quasi latenter sub eis significant hominem ualde maliciosum, uel fallacem, mendacem proditorem, tenacem, pigrum, secretum, pauciloquum.

Cuius cilia sunt rara à pilis, significant hominem simplicem, uanum, debilem, cito crudelem, & in societate satis conuenientem.

Cuius cilia sunt naturaliter plicata deorsum, ut quasi sint crispa, significant hominem inuerecundum, pigrum, suspiciosum, tenacem, inuidum, et in multis facile seductorem.

Cuius cilia sunt ualde breuia, & in colore alba, uel blunda, significant hominem quasi ad oia conuenientem, debilem

PHYSIOGNOMIAE

timidum, facile ac cito alteri credentem & conuertibilem.
DE INTERCILIIS. Cap. X.

Intercilia significant hominem tenacem, inuidum, secretum, sagacem, ualde cupidum pulchrorum, uanae fortunae, & plus crudelis quam delectabilis.

! Cuius intercilia sunt longa ualde, significant hominem aliquantulum duræ capacitatis, subtilis intellectus, magnæ audaciæ, multæ fidelitatis, & amicitiae claræ & perfectæ.

DE OCVLIS. Cap. XI.



Oculi magni, id est grossi, & multæ apparitionis, significant hominem frequenter pigrum, quandoque audacem, inuidum, partim uerecundum, & partim non secretum, conuenientem, tenacem, uanum, leuiter mendacem, magnæ iræ, malæ memoriæ, grossi ingenij, & parui intellectus, & minus sapientem quam se reputet scire.

Cuius

COMPENDIUM.

Cuius oculi sunt in capite quasi absconsi, id est concaui intus & longinqui uisus, significant hominē suspitosum, malitosum, magnæ iræ, peruersi moris, ualde memorem, audacem, crudelem, facile mendacem, minacem, uitiosum luxuriosum, superbum, inuidum & seductorem.

Cuius oculi foris ualde præeminent, significant hominem simplicem, aut stultum, parum uerecundum, aliquantulum largum, facile seruitialem, grossi intellectus & ingenij, cito conuertibilem ad utrunq;.

Cuius oculi acute intuentur, & studiose cilijs declinat, significant hominem malitosum, & multoties seductorem, falsarium, sæpe mendacem, inuidum, tenacem, secretum, impium, nec bene legalem.



Cuius oculi sunt parui & rotundi conuenienter, significant hominem uerecundum, debilem, simplicem, cito credentem dicta alterius, grossi ingenij, tardi intellectus, &

frequenter crudelis fortunæ, liberalem alteri, & conuenienter uerecundum.

Cuius oculi sunt obliqui, significant hominem fallacem, sagacem, tenacem, inuidum, iracundum, mendacem, & in multis maliciosum.

Cuius oculi sunt uarij, & intuitu uagi, significant hominem sæpe mendacem, uanum, simplicem, luxuriosum, seductorem, cito alteri credentem, inuidum, animosum, cupidum pulchrorum, & facile conuertibilem ad utrumq;



Cuius oculi sæpe conuiuent, & mouentur ante & retro, significant hominem luxuriosum, instabilem, sæpe mendacem, facile falsarium, proditorem, infidelem, præsumptuosum & durum ad credendum alteri.

Cuius oculi in albedine aliquantulum sunt citrini, significant hominem simplicem, sæpe mendacem, uanum, fallacem, sæpe luxuriosum, infidelem alteri, & conuenienter

secretum

COMPENDIUM.

secretum, ualde sui sensus & magnæ iræ.

Cuius oculi sunt multi motus, aut duri, siue tardè intuentes, tamen acute, cum reclinacione carnis ciliorum, significat hominem ualde maliciosum in multis, uanum, pigrum mendacem, infidelem, inuidiosum & rixosum.

Cuius oculi sunt quasi rubei uel uiciosi lachrymis, uel sanguine, significant hominē iracundum, superbū, dedignosum, crudelem, inuerecundum, infidelem, mendacem, uanū, simplicem, tenere capacitatis, seductorem, et ex facili pium.

Cuius oculi sunt ualde grossi, quasi similes oculis boum, significant hominē simplicem, tardi intellectus, malæ memoriæ, & grossi nutrimenti.

Cuius oculi sunt in forma mediocres, tendentes ad nigredinem, significant hominem conuenienter pacificum, mansuetum, legalem, ingenij boni, magni intellectus, & conuenienter alteri seruitialem.



PHYSIOGNOMIAE

DE NASO. Cap. XII.

Nasus longus & aliquantulum subtilis, significat hominem audacem, curiosum in factis, iracundum, uanum, cito conuertibilem ad utrumq; debilem, & ex facili credentem.

Cuius nasus fuerit longus & extensus, habens punctā deorsum declinatam, significat hominem sagacem, secretum, seruiciale, & conuenienter alteri fidelem, probum in agendis, & supplantanēum.



Cuius nasus fuerit simus, significat hominem impetuosum, uanum, mendacem, luxuriosum, debilem, instabilem cito

C O M P E N D I V M.

cito alteri credentem, & conuertibilem ad utrumq̃.

Cuius nasus fuerit in medio latus, & declinet ad suam partem sui, significat hominem facile mendacem, uarium, luxuriosum, uerbosum, & crudelis fortunæ.

Cuius nasus fuerit undique grossus, & bene longus significat hominem cupidum omnium pulchrorum, in bonis simplicem, in malis sapientem, conuenienter bene fortunatum, fictuosum in eis quæ cupit, secretum, & ualde minus scientem quam se scire reputet.

Cuius nasus fuerit ualde acutus in puncta, & mediocris inter longum & curtum, grossum & subtilem, significat hominem cito irascibilem, ualde suisensus, facile rixosum, & dedignosum, sagacem, debilem, maliciosum, seductorem, minacem, & bonæ memoriæ.

Cuius nasus fuerit ualde rotunda in extremis, & cum paruis naribus, significat hominem superbum, grossi nutrimenti, cito credentem, uanum, largum & fidelem.

Cuius nasus fuerit nimis longus, & in puncta plus subtilis quam grossus, & conuenienter rotundus, significat hominem in loquendo audacem, in agendis probum, facile iniuriosum, fallacem, inuidum, tenacem, in fide secretum, cupidum alicui, & multis modis latenter maliciosum.

Cuius nasus fuerit retortus & curuatus insursum, & longus, conuenienter habens punctam grossam, significat hominem audacem, superbum, tenacem, inuidum, cupidum,

PHYSIOGNOMIAE

iracundum, luxuriosum, mendacem, seductorem, uana gloriosum, infidelem, rixosum.



Cuius nasus fuerit in medio ualde eleuatus, significat hominem saepe mendacem, uanum, instabilem, luxuriosum, cito credentem, importunum, ingenij boni, grossi nutrimenti, & plus simplicem quam sapientem & maliciosum.

Cuius nasus fuerit qualitate rubicundus ultra omnem speciem cæterorum, significat hominem auarum, impium, tenacem, luxuriosum, supplantancæ bonitatis, grossi nutrimenti & ingenij, tenere capacitatis.

Cuius nasus fuerit conuenienter grossus undiq; & super

per

C O M P E N D I V M.

per punctam planus aliquantulum, significat hominem pacificum, mansuetum, fidelem, laboriosum, secretum, & boni intellectus.

Cuius nasus fuerit super punctam aliquantulum pilosus & undiq; grossus conuenienter, & in iunctura frontis parum subtilis, significat hominem bonæ conditionis, in omnibus, & conuertibilem facile ad utraq;.

Cuius nasus fuerit ubiq; grossus, nares habens latas, significat hominem grossi ingenij, & plus simplicem quàm sapientem, mendacem, fallacem, subdolum, rixosum, luxuriosum, inuidum & uana gloriosum.

D E O R E. Cap. XIII.

Os magnum & latum ex clausura & aperitione, significat hominem audacem, inuerecundum, facile bellicosum, mendacem, uerbosum, nouigerulum, commestorem, immundum, grossi ingenij, tenacem & ualde insipientem.

Os cuius fuerit parua clausura & aperitio, significat hominem pacificum, timidum, fidelem, secretum, tenacem, largum, uerecundum, doctrinale, & parum comedentem.

Cuius os fetet flatu, significat hominem in epate uiciosum, sæpe mendacem, uanum, lassiuum, fallacem, tenere capacitatis, grossi intellectus, seductorem, inuidum, cupidum alieni, & conuenienter alteri largum, nouigerulum, citò credentem, & plus simplicem quàm sapientem,

PHYSIOGNOMIAE

Cuius os redolet flatu, significat hominem conuenientem, sapientem, in dando & retinendo sagacem, secretū, cupidum pulchrorum, fidelem, cito credentem, & conuertibilem ad utraq;.

DE LABIIS. Cap. XIII.

Labia oris ualde grossa, uel nimium reuoluta foris, significant hominem plus simplicem quàm sapientem cito credentem, grossi nutrimenti, & conuenientem ad utraq;.

Cuius labia fuerint conuenienter subtilia, & non multum foris retorta, significant hominem discretum in omnibus secretum, sagacem, iracundum, & multi ingenij.

Cuius labia fuerint bene colorata, & plus subtilia quàm grossa, significant hominem bonæ conditionis in omnibus & cito conuertibilem ad utrumq;, & citius ad uirtutes, quàm ad uicia.

Cuius labia non sunt bene equalia in omni, ita qd unum sit maius altero, significant hominem plus simplicem, quàm sapientem, grossi ingenij, tardi intellectus, & uariæ fortune.

DE DENTIBVS. Cap. XV.

Dentes

Dentes parui & debiles in opere, & rari & curti, significant hominem debilem, boni ingenij, teneræ capacitatis, mansuetum, legalem, fidelem, secretum, timidum, uitæ brevis, & ad utraq; conuenientem.

Cuius dentes non sunt sibi æquipollentes quantitate & situ gingivarum, ita q̃ quidam sunt stricti, quidam lati, quidam rari, quidam spissi, significant hominem sagacē, ingenij boni, audacem, dedignosum, inuidum, & facile conuertibilem ad utraq;.

Cuius dentes sunt ualde longi & quasi acuti, & aliquantulum rari, & fortes in opere, significant hominem inuidum, impium, gulosum, audacem, quasi inuerecundum mendacem, falsum, infidelem & suspiciosum.

Cuius dentes sunt citrini, uel bruni, siue curti, siue longi, significant hominem plus stultum quàm sapientem, grossi nutrimenti, cito credentem, turbidi intellectus, sæpe fallacem, mendacem, inuidum, cupidum alieni, & suspiciosum.

Cuius dentes sunt grossi, & lati, siue declinent foris, siue intus, siue sint rari, siue spissi, significant hominem uanum, lassuum, grossi nutrimenti, cito credentem, simplicem, fallacem, mendacem, & teneræ capacitatis.

Cuius dentes sunt fortes & spissi, significant hominem longæ uitæ, cupidum pulchrorum, duræ capacitatis, grossi ingenij, magnanimum, multum sui sensus, nouigerulum & cito credentem.

Cuius dentes sunt debiles, parui, rari & exiles, significant hominem debilem, breuis uitæ, sagacem, capacitatis bonæ, cito credentem, communiter uerecundum, tractabilem, mansuetum & legalem.

Cuius dentes sunt fortes & spissi, significant hominem longæ uitæ, luxuriosum, comedonem, audacem, fortem, discretum, & sui sensus.

DE LINGVA. Cap. XVI.

Lingua nimis uelox ad loquendū, significat hominem plus simplicem, quàm sapientem, grossi ingenij, mali intellectus, cito credentē & facile conuertibile ad utraq;.

Cuius lingua balbutit loquendo, significat hominē ualde simplicem, uanum, instabilem, iracundum, cito ab ira conuertibilem, seruiciale & debilem.

Cuius lingua est ualde grossa & aspera, significat hominem sagacem, maliciosum, conuenienter seruiciale, uanum, dedignosum, secretum, proditorem, nouigerulum, timidum, impium, conuenienter sufficientem multorum.

Cuius lingua est subtilis, significat hominem sagacem, ingeniosum, facile timidum, cito credentem atq; conuertibilem ad utrunq;.

DE FLATV. Cap. XVII.

Flatus multus, significat hominem multi spiritus, & econuerso, cuius defectus est duplex, aut ex paruitate

te pulmōis : aut ex uicioſitate toracis, & ideo animal multi flatus, eſt multæ fortitudinis & multi potus.

D E R I S V. Cap. XVIII.

Risus abundat in ora ſtultorum & habentium ſplen magnam : & econuerſo. Cuius bucca ex facili ridet, ſignificat hominem ſimplicem, uanum, inſtabilem, cito credentem, groſſi ingenij & nutrimenti, ſeruiciale & non ſecretum.

Cuius bucca raro ridet et breuiter, ſignificat hominem ſtabilem, tenacem, ſagacem, clari intellectus, ſecretum, fidelem & laborioſum.

Cuius bucca duræ mouetur ad ridendum, ſignificat hominem ſapientem ualde ſui ſenſus, ſagacē, ingenioſum, patientem, tenacem, ſtudioſum ſuæ artis, iracundum, ſupplantaneum.

Cuius bucca facile ridet & ridendo ſæpe tuſſit uel oſſitat, aut torquet caput, ſignificat hominem uarium, inuidū, cito credentem & conuertibilem ad utruq;.

Cuius bucca ridendo torquetur cum deriſione alterius, ſignificat hominem arrogantem, falſum, tenacem, iracundum, mendacem, & aliquantulum proditorem.

D E M E N T O. Cap. XIX.

Mento amplius & groſſus carne multa, ſignificat hominem pacificum, mediocris capacitatis, groſſi ingenij, legale, ſecretum & facile conuertibile ad utruq;.

Cuius mento eſt acutus & conuenienter plenus carne, ſignificat hominem boni intellectus, alti cordis & ſatis laudabilis nutrimenti.

Cuius mento est quasi duplex quadam ualle, significat hominem pacificum, grossi ingenij, uanum, cito credentem, conuenienter alteri seruitialem, & ualde supplantaneum, & secretum factorum.

Cuius mento est acutus & subtilis carne, significat hominem audacem, bellicosum, irascibilem, dedignosum, timidum, debilem, & aliquantulum seruitialem.

Cuius mento est recuruus cum ualle iniunctura maxillarum, & carne maius quasi acutus, significat hominem pessimum, simplicem, audacem, superbum, minacem, inuidum, tenacem, fallacem, cito irascibilem, iracundum, proditorem, furem & supplantaneum.

DE BARBA. Cap. XX.

BArba nascitur uiro ultra xxiiij. annum, latim de die in diem, & tunc nascitur femur extra sexum. Et est sciendum quod tales pili procreantur de superfluitatibus ciborum, fumositates quorum super ascendit usque ad partes maxillarum, uelut fumus ad foramina camini, & cum amplius non inueniat meatus apertos, quibus bene ualeant superius ascendere, sic inde exeunt in modum pilorum, qui dicuntur pili barbæ.

Mulieres penè omnes carent barba in maxillis.

Et est sciendum, quod omnes humores in quibus in uiris barba generatur, in mulieribus menstruum, quod est eis quodam meatu, & motu ætatis Lunæ, quandoque semel in mense, & quandoque bis, cuius exitus dicitur esse fluxus siue superfluum. Istud uero contingit, quando mulier non est grauida

grauida iam transacta xij. annos, & hoc menstruum quandoq; ei in lac transmutatur intra mammæ. Verum est quod hi humores ita subtiles ex natura calidi sunt, quod ex eis quasi oriuntur pili aliquando in maxillis mulieris, & propriè circa os, ubi magis abundat calor, & hæc mulier dicitur esse barbata. Sciendum quod talis mulier est ualdè luxuriosa, propter calidam sui complexionem, est ergo fortis naturæ, & uirilis conditionis.

Mulier uero bene munda à pilis, & præcipue circa os, secundum Physionomiam, dicitur esse bonæ complexionis, scilicet, timida, pauida, uerecunda, debilis, mitis & obediens, & econuerso barbata.

Cuius barba est bene ordinata siue composita, et spissa pilis, significat hominem bonæ naturæ, & rationalis conditionis ad omnia secundum coniunctum & datos mores productæ, & econuerso.

De illis qui habent eam malæ compositam, ut patet in eunuchis, qui postquam perdidierint ambos testiculos, ualde transmutantur à natura uirorum, in naturam mulierum.

DE FACIE. Cap. XXI.

Facies quæ sæpe sudat ex facili motu, significat hominem calidæ naturæ, uanum, luxuriosum, bene comedentem, & grossi ingenij ac nutrimenti.

Cuius facies est ualde carnosæ, significat hominem timidum, conuenienter lætum, largum, discretum, luxuriosum malæ memoriæ, cito credentem audita, & bene alteri legale

P H Y S I O G N O M I A E

importunæ uoluntatis in optato inuidum & satis conuertibilem ad utraq; & ualde præsumptuosum.

Cuius facies est macilenta significat hominē sagacem, fatigabile, intellectus boni, plus crudelem quā pium, tenebre capacitatis & dedignosum.

Cuius facies est minuta ualde & rotunda, figuraliter significat hominem simplicem timidum, debilem, grossi nutrimenti, malæ memoriæ.

Cuius facies est similis ebrioso, significat hominem bibentem uinum bonum, luxuriosum uanum fortem & ex facili inebriatur.

Cuius facies irascibili assimilatur, cito & ex facili irascitur, & tenet iram diu.

Cuius facies est longa & macra, significat hominem ualde audacem lingua & facto, simplicem, rixosum, superbum, iniuriosum, fallacem, durum moribus, pium, & conuenienter luxuriosum.

Cuius facies est communis inter longam & rotundam macram & crassam, significat hominem conuenientem ad omnia, tamen citius in bono quā in malo.

Cuius facies est ualde crassa & lata, significat hominē simplicem plus quā sapientem, grossi ingenij, tardi intellectus, hebetem in agendis, sepe uana gloriosum, credentem, conuertibilem ad omnia, luxuriosum, uanū, obliuiosum, in malo falsum, detractorem & supplantaneum.

Cuius facies est ualde plana sine tumore ualde eleuato, significat hominem bonæ conditionis ad omnia & satis amabi-

amabilem, alteri seruitialem, cito credentem, non multum sagacem, satis fidelem, & plus simplicem quàm sapientē, ac patientem in pace communiter graua per aduersam fortunam.

Cuius facies est aliquantulum uallata, & plus macra quàm crassa, significat hominem iniuriosum, inuidiosum, fallacem, mendacem, audacē, rixosum, laboriosum, grossi ingenij, uanum, ualde simplicem & tardi intellectus.

Cuius facies est mediocris ad quamlibet dispositionem cæterarum, tamen plus pinguis quàm macra, significat hominem in sermone ueracem, facilem, seruitialem, communiter ingeniosum, sagacem & memorabilem.

Cuius facies est ualde curua & longa ac macra, significat hominem grossi ingenij quasi ad omnia bona, simplicē tardi intellectus & non legalem, & ex leui occasione maliciosum.

Cuius facies est latior à fronte inferius usq; ad iuncturam maxillarum & altior quàm postea, significat hominem simplicem in agendis, & in loquela inuidum, partim timidum, partim audacem, tenacem, mendacem, uanum, fallacem, animosum, rixosum, debilem, grossi nutrimenti, & mali ingenij.

Cuius facies est bene disposita carne, colore & suis partibus, ut oculis, cilijs, quibus sit delectabilis & placida, significat hominem generaliter bene dispositum ad agendum uicia & uirtutes.

Cuius facies est in colore pallida, significat hominem

P H Y S I O G N O M I A E

non bene sanum, ualde maliciosum, proditorem, mendacem, superbum, uanum, luxuriosum, tenacem, inuidum, presumptuosum, grossi nutrimenti, non bene fidelem, neque legalem.

Cuius facies est bene colorata, significat hominem laudabilis dispositionis, in sua complexione letum, cito credentem, alteri conuenienter seruitialem, intellectus boni, & ex facili ad omnia conuertibilem.

D E A U R I B V S. Cap. XXII.

Auris est hominis, & auricula ceteri animalis, & unguis est hominis, ungula ceteri animalis.

Cuius aures sunt magnæ & grossæ, significant hominem simplicem uel stolidum, pigrum, grossi nutrimenti, malæ memoriæ, duræ capacitatis.

Cuius aures ualde sunt paruæ & subtiles, significant hominem boni ingenij, intellectus & sapientiæ, secretum, pacificum, sagacem, timidum, honestum, mundum, tenacem, uerecundum, uana gloriosum, animosum, memoriæ bonæ, satis alteri seruitialem.

Cuius aures aliquantulum sunt longæ, id est, ultra communem formam, uel amplæ ex transuerso, significant hominem audacem, inuerecundum, uanum, pigrum, insipientem, alteri seruitialem, pauci laboris, & multæ comestionis.

D E C A P I T E. Cap. XXIII.

Caput magnum & bene rotundum ex omni parte, significat hominem secretum, sagacem in agendis,

COMPENDIUM.

Ingeniosum, discretum, magnæ imaginationis, laboriosum stabilem & legalem.

Cuius caput est habens gulam grossam cum collo quod declinet uersus terram, significat hominem sagacem, tenacem, pacificum, secretum, ualde sui sensus, & stabilem in agendis.

Cuius caput est longum, habens faciem longam & magnam, ac deformem, significat hominem fatuum, maliciosum, uel ualde simplicem, uanum, cito credentem, nouigerulum, ac etiam inuidum.

Cuius caput est ualde uolubile, hinc & illinc, significat hominem fatuum, simplicem, uanum, mendacem, fallacem, presumptuosum, instabilem, tardi intellectus, mali ingenij, teneræ capacitatis, aliquantulum prodigum, & nouigerulum.

Cuius caput est grossum, habens latam faciem, significat hominem suspiciosum, ualde animosum, cupidum pulchrorum, sagacem, simplicem, grossi nutrimenti, secretum, audacem, & non bene uerecundum.

Cuius caput est grossum, & non conuenienter formosum, habens gulam curtam, & collum grossum, significat hominem in se satis sapientem, sagacem, secretum, ingeniosum, stabilis imaginationis, fidelem, ueracem, & multis tractabilem.

Cuius caput est paruum, habens gulam subtilem & longam, significat hominem ualde debilem, insipientem, pauci cibi, doctrinalem, & non bene fortunatum.

PHYSIOGNOMIAE

DE GULA. Cap. XXIII.

GVla candida siue macra aut crassa, significat hominem uana gloriosum, uanum, timidum, laxiū, facile mendacem, conuenienter sagacem, magnæ iræ, & diu dedignosum.


Cuius gula est macra & subtilis, & in qua uenæ apparent, significat hominem malæ fortunæ, debilem, timidū, pigrum, grossi nutrimenti, cito credentem, & conuertibilem ad utraq;.


DE COLLO. Cap. XXV.

Collum longum, significat pedes longos, & gracile graciles, etiam significat hominem simplicem, non secretum, timidum, debilem, inuidum, mendacem, fallacem indoctrinalem, & cito conuertibilem ad utraq;.

Cuius collum est curtum, significat hominem sagacem, tenacem, fallacem, secretum, stabilem, discretum, iracundum, ingeniosum, magni intellectus, conuenienter fortem, amantem pacem, dominium, & omnia timida.

ANDREAE











SPECIAL 85-B
25520
V.1

GETTY CENTER LIBRARY

1586










A N D R E A E C O R V I
M I R A N D V L A N I A B S O =
lutissima ratio Chyromantie.



A N D R E A S C O R V I I O A N N I
*Francisco Conzahe, Mantuæ Marchioni
optime merito, summa cū reuerentia.
S. P. D.*

LI B R V M D E C H Y R O M A N =
tia princeps undequaq; ornatissime. Superiori
bus annis tuæ celsitudini dicatum in publicum
ædere constitui, multis me Probis, & Amicis uiris rogan
tibus & cogentibus. Cui honestissimæ petitioni non utiq;
concessissem, ni tuum Faustissimum & Martium nomen
præscriptum, tam opus, quàm operis autorem, suo quodã
ueluti patrociniò ac obtreñatorum morsibus uindicaret.
Quare sicuti antea (ut par est) omni uirtutum genere re=
fertissimam reuerenter adiuit intrepidus, ita nunc quoq;
in confertissimam omnifarij populi turbam tuo ille fultus
clipeco securus prodeat. Quo præsidio geminæ Palladis,
hoc est, Martis rebus tuis quàm pulcherrime gestis, Apol=
linis tuo fauore & magnificentia, geminum tropheum
comparasti. Vale.

EXCELLENTISSIMI ET SINGV-
laris uiri in Chyromātia exercitatissimi magistri Andreæ
Corui Mirandulensis, ad illustrissimum Ioannem
Franciscum Mantuæ Marchionem bene-
meritum, opus rarissimum, de ea-
dem Chyromantie facultate
destinatum.

ARTEM CHYROMANTIA-
cam ab excellentissima philosophorum scho-
la collectam per scripturæ theoricam, & ma-
nuum suis cum lineis, figuras, diuersa in capita distingue-
mus cum suis montibus & rimulis qui in manibus euenire
possunt, atq; ex ipsis uarias significationes uarios indican-
tes, effectus cognoscimus. Primum igitur scire debemus
hominis manum quinque in digitos diuidi, ex quibus primū
duobus nodis, seu iuncturis constantem pollicem appella-
mus. Alterum tribus nodis indicem uel demonstratiuum,
tertium medium, quartum annularem, quintum postremo
auricularem uocamus. Aduerte autem unicuique horum di-
gitorum subesse montem, qui singuli nomina propria ob
uariam in uita humana significationem sortiri sunt polli-
cis. Mons Veneris dicitur cuius hæc est figura . Mons in-
dicis, Iouis uocabulum cum hac sue nota . Obtinet me-
dio Saturni nomen ipsiusq; hanc figuram . ascribimus.
Solis montem, ^{auricularem} ~~indici~~ subiectum dicimus cum hac sua ad-
scripta

C O M P E N D I V M.

scripta figura  Auricularis montem possidet Mercurius cum hac sua figura  . Scire autem licet in ipsa manus multas esse lineas quarum primam adpellamus restrictā. A. A.
 De ea primo dicemus, nō quia in humana uita sit principalis, sed quia prima est in compage manus & brachij, quo in loco sunt aliquando duæ uel tres, quas omnes restrictam uel restrictas, aut restrictæ lineas nuncupamus. Ipse uero humane uitæ significāt fortitudinem, aut debilitatem, aut longitudinem, breuitatem, & qua in ætate sit foelicius, aut infœlicius, homo acutus, & quod de ualitudine bona & corporis dico prosperitate, id ipsum de diuitijs & fortunæ successu intelligas. i. de fortunæ bonis, qualia sunt diuitiarū copia & inopia. Nomen uero huius lineæ diximus, est restricta uel iunctura manus, eo quod in ipsa iunctura formatur manus ab ipsa brachij rotunditate in planiciem descendit. Ideoq; ab ea tanquā à primo principio auspicati sumus, & ita deinceps sequimur de fortioribus & principalioribus loquentes. Altera quæ uitæ linea, uel cordis linea, linea
del 2
 uel dextræ triangulus nuncpatur, ab ea quā paulo post declarabimus, media descendens montem pollicis ambit penè ad restrictam usq; & ipsius manus iuncturam. Eam Eam
del 2
 uero quæ à uitæ linea incipit per palmam transiens in percussione manus & montem recedens capitis aut cerebri, aut mediam naturalem, trianguliq; sinistram adpellamus lineā. Mensalem autē dicimus illā, quæ sub auricularis montem incipiens, per palmā manus præcedit tēditq; in indicis mens

C H Y R O M A N T I A E

uel Iouis montem. Aliquando conscendit ipsum montem,
 aliquando cum capitis linea coniungitur, aliquando intra
 indicem & medium cadit, & aliquando duobus, aliquando
 tribus ramis extenditur, & unusquisque ramus diuersos ra-
 mos, & diuersa obtinet significata, & aliquando in speci-
 em rami, seu palme ad Iouis tendit montem. Alia est linea
 quæ à restricta uel iunctura manus recedit palme, & di-
 gitos occurrens prosperitatis uel Saturni linea adpellata,
 hæc cæteris lineis suffragatur, quæ propria uirtute care-
 rent, & aliquando ab ea linea ramus oritur, quæ penè per
 transversum manus extenditur, cunq; media naturali con-
 iungitur, hæc est causa, ut in manu triangulus formetur.
 Hæc linea ulterius aliquando non adparet, & basis trian-
 guli dicitur. Aliquando ad mediam usq; protenditur, neq;
 progreditur. Aliquando usq; ad Saturni montem proce-
 dit, propè mediæ iuncturam, & aliquando ad uitæ lineam
 coniungitur, in cuius medio, aliquando cū duobus, aliquan-
 do cum tribus ramis conspicitur uersus mediā naturalem
 tendentibus, & aliquando in manus concavitate dispergi-
 tur. Et quando hæ lineæ conuenienti proportionē concur-
 rerint, quedam tunc latitudo relinquit, seu spaciū, inter
 mediam & mensalem, quæ quadrangulum seu manus men-
 sam adpellamus, & huius spaciij finis quod in dorsum ten-
 dit, manus percussio dicitur, quando ad auricularis mon-
 tem adpropinquatur. Scias tamē eius nomen mutari, nam
 eō in loco aliud significatum efficitur à primo differens,
 ibi enim nonnullæ adparent rimulæ in suo occasu, quæ ca-
num

num morfiones significant. Similiter ſpaciū huic conti-
 guum, quod extra triangulum uſq; ad iuncturam manus
 descendit, manus montem dicunt. Nonnulli autem manus
 pinguedinem nec montis nomen, nos autem Lunæ montē *hinc*
 nominabimus, quoniam in eo quædam inueniuntur rimulæ
 uel lineæ nauigationem & fortuna uarietatis in rebus a-
 quaticis, iuxta ipſarum linearum, bonitatem uel maliciā.
 Et quia Luna præeſt aquis, hic mons recte Lunæ cenſebi-
 tur, cuius talis eſt figura *D*. Tertium eſt ſpaciū huic *ma*
 proximum à tribus lineis incluſum, media, ſcilicet, uitæ li- *ſua*
 nea, & ea quam baſim trianguli diximus, hoc media in ma-
 nu poſitum, Martis triangulum cenſemus appellandum,
 huius tale eſt ſignum *A*. Designabimus autem in huius o-
 peris principio manū ſupradicta omnia continentē aper-
 tius, quando cœperimus diſponere res omnes ſigillatim in
 diuerſis ſignis quæ in manu hominis uideri poſſunt. Sed
 prius omnia ſcripto prænotabo, ut facilius lineæ in manu
 poſitæ intelligantur. Quarum manum quinque in partes
 ſecabimus, ut ſequamur ordinem propter digitos & earū
 montes, & in alias ſex partes propter lineas quæ uideri
 poſſunt in manu. Et quoniam dictæ lineæ habent inter ſe
 tres principales, quæ aliquando duplicate uidentur, & ab
 illis ſemote hæ, aliquando continue ſunt, aliquando fractæ
 & diſcontinue, ſicut plerumq; ſuis in adparitionibus con-
 ſpicimus, & earum unaquæq; talis aut talis lineæ ſoror ap- *Soror*
 pellatur. Hæc omnia clariſſime hoc in opusculo aperietur, *linea*
 quam ſcientiæ & artis Chyromantiæ Theoricam adpel-

C H Y R O M A N T I A E

labimus, & eam diuersos in tractatus diuidemus. De montibus prædictis & lineis & rimulis loquentes, quas in manu natura produxit & significata producunt ex accidentium diuersitate in humanis corporibus uenientium. Eueniunt autem omnia ex diuersa potestate & in fluxu coelestium corporum ad hæc inferiora, ut etiam asserit Ptolomeus, Ali, Albumasar, ipsos deinde tractatus diuidemus in plures manus uniuscuiusq; lineas describentes, & earundem significata declarantes multo clarius quam in Prohemio. Sed quia primo à naturalibus lineis incipiendum est, quæ potestatem & trium principalium membrorum uirtutem significat in humano corpore. Eorum cor primum quod est uitæ principium. Alterum epar, quod uiuificandi cordis est causa, ipsum enim cibum digerit, sanguinem rectificat cordi alimentum afferentem. Cerebrum est tertium, quod motum homini & intellectum adfert. Nos adeo à prædictis lineis incipiemus hunc in modum.

Humana manus à natura facta est tanquam instrumentorum instrumentum in humano corpore & organorum organum, quemadmodum omnes asserunt philosophætes, & præcipue Aristoteles. Eius enim officium est omnibus humani corporis partibus inservire. Quæ ratione omnium membrorum uirtus in humana generatione concurrat, ideoq; iam dictum fuit, quod totius corporis humani cõplexio in manu conspicitur. Igitur unumquodq; membrum aliquid in ea signum, uel magnum, uel exiguum, iuxta eius membri potestatem aut uirtutem innisit, ideoq; manus ipsa diuersa
sis est

sis est ob signata lineis & rimulis, ex quibus ipsi Chyromantici de hominis complexione ab alijsq; omnibus accidentibus iudicāt quæ in humana uita succedūt, ueluti ex signis à natura factis in humanæ generationis principio, ob uirtutē manui ab omnibus membris datā. Posset hoc loco quispiam inquirere, cur in manu quatuor sunt principales lineæ, cum quator tantum sint principalia mēbra ad corporis gubernationem & ipsius uitæ conseruationem, quæ sunt cor, quemadmodum diximus nutriendi, & uniuersi corporis restaurandi pariterq; naturalis caloris principium. Secundum est epar, quod nutriendi & sanguinem rectificandi totiusq; restaurandi corporis est principium.

Tertium est cerebrum, quod corpori dat sentiendi principium & homini motum, horum igitur singulum in manu signum. Cor enim sua uirtute lineam in manu produxit uitæ, scilicet, uel cordis adpellat, et ipsum cor uitæ principium significantem, qua cognoscimus quantum temporis homo sit uicturus, quotq; ægri tudines habiturus. Eodē modo & epar lineam suam producit ueluti cor à manus descensu ipsa oritur, & sæpe ꝑꝑ cum uitæ linea suo in principio coniungitur, altera uero ex parte cum capitis linea, uel media cōiungitur, aliquādo ibi desinit, aliquādo uero ad medium usq; digitum protenditur, seu eius montem quadrangulum & mensalem, & mensalem lineam prætergre diens. Tertia est linea, quæ à capite descendit, & cum uitæ linea incipit, aliquando enim cum ea ualde est cōiuncta aliquando autem separata per mediū manus, ut plurimum

transiens, ex qua ut præfati sumus, efficitur Martis trian-
 gulus. Et quia stomachus cum capite communicat & quan-
 dam connexionem habet, etiam huiusmodi linea à stoma-
 cho procedit, et capitalis uel stomachalis linea adpellatur.
 Quarta à totius corporis uirtute progrediens mensalis di-
 citur, cuius principium est inter percussione[m] & Mercu-
 rij uel auricularis montem, quæ ut diximus, aliquando tri-
 bus, aliquando duobus ramis, aliquando sola & nuda, ali-
 quādo in palmæ speciē progreditur, sed ut plurimū indicij
 fit proxima, aliquando inter mediū & indicē procumbit,
 aliquando uero cū capitis & uitæ linea cōiungitur, frequē-
 tissime aut inter hanc & capitis lineā spaciū relinquitur,
 quæ mensa manus, uel quadrangulus uocatur. Sed tale spa-
 cium nō semper inuenitur, præcipuè quando hac & capi-
 tis linea uniuntur, adeo ut ambæ una sola efficiantur. Scias
 aut hoc spaciū à splene produci, ideoq; quando rimulis im-
 peditū, & quod in nodo confusum fuerit, gaudium, risum,
 & splenis sanitatem significabit, sed oppositū quando tor-
 tuosum fuerit. Sunt uero & exiguæ quedā aliæ lineæ, qua-
 rum unaquæq; soror, talis uel talis nuncupatur, quādo uitæ
 linea longa & continua & bene colorata fuerit, uitam diu-
 turnam paucis cum egritudinibus præsagiunt, quando se-
 cus fuerit contrarium omnino censendum, quando uirtus
 uitalis debilis fuerit lineam pariter produxit subtilem &
 debilem & fractam aliquando, quando autē & fortis &
 bonæ complexionis uirtus ipsa fuerit, dictam lineam lon-
 gam & latam producit, & bono colore dispositū. Cordis
 linea

linea quādo lōga & lata fuerit uirtutē uitalem uigoris ingētis denotat. Oppositū quando minuta & breuis. Eandē quoq; lineam continuam, non autem discontinuā esse oportet, ipsa enim disiunctio procedit à sanguine sua propria causa cor & cætera mēbra uiuificante. Quamobrem proportionem & in humoribus temperamentum significant, & quamuis cordis linea ingens & crassa esset, & discontinuam uirtutem uitalem in principio fortem fuisse significat, in temporis tamen processu defuisse, ex sanguinis & humorum intemperie. Oportet igitur in distantia & propinquitate debitam habere proportionem ad epatis lineā *Epatis linea* uel prosperitatis, hoc est, ne ualde aut propinqua sit, aut remota. Si enim remotum nimium esset epar à corde sua in natura remoueri significat, neq; habet cum eo debitam conuenientiam sanguinemq; qui ab epate generatur, minime sua in proportionem ad ipsius cordis nutrimentum conuenire, quod si nimium esset propinqua, magnam sanguinis designant multitudinem cordis calorem facile suffocaturum, ideoq; duæ illæ lineæ modestæ distare debent. Neq; ignorandum, si breuis, gracilis & pallida esset stomachi & epatis debilitatem calorisq; naturalis in epate defectum iudicare, quare ab ea generatus sanguis, non erit iusti nutrimenti uniuerso corpori. Concludendum igitur in homine diuturnæ uitæ futuro, lineam uitæ seu cordis longa & latā & ab epatis linea decenter abesse necessario euenire, & quod ipsa epatis linea sit quantitatis debitæ & coloris boni. Et quando in linea capitis ad uitæ unum. o. uel duo o. o. *Capitis linea*

CHYROMANTIAE

inueniuntur, unius uel duo amborum oculorum amissione significat, hoc est si unus fuerit. o. unum, sint duo, tunc etiā ambos amittet, idem obseruato in mensali et capitis linea. Et quoniam raro dicta signa o. o. inueniuntur, & in omnibus tenet manibus deberent inueniri, nam omne membrū signum peculiare debet ipsa in manu habere, quemadmodum diximus. Verum illud optime tenendum corporis uirtutes ab intelligentijs & uirtutibus coeli gubernari, & etiam eorum influxibus à prima causa procedentibus, hoc est prädictarum intelligentiarū eos moueatum potestate. Quatuor uero sunt uirtutes ad hominis essentiam necessariae, id est, cordis uirtus uitalis, naturalis, epatis, animalis cerebri & totius corporis gubernatrix uirtus à tribus partibus cordis significat epatis & cerebri manens. Hæ sunt corporis principales uirtutes, aliæ quorundam membrorū uirtutes, ueluti oculorum, potius ad decorum, quàm ad necessitatem destinātur. Natura igitur uniuersalis coeli ingenti afficitur sollicitudine ad eas primarias uirtutes producendas, earum quoq; signa, hoc est, principales lineæ earū potestate & ui producuntur. Sed aliarum uirtutum quæ ad uitæ necessitatem minime conferunt, non est adeo natura ipsa superior sollicita. Ideoq; haud semper eorum signa in manu producit, sed solum quando indicare uoluerint conspicuum aliquid, uel bonum, uel malū eo in membro præter tria principalia nominata. Quamobrem unaquaq; in manu quatuor primariæ lineæ semper existunt. Reliquæ uero lineæ aliquando & adsunt & absunt, & quando affuerit

fuerit, aliquem semper effectū, seu bonum uel malum indicabunt. Quare hæc scientia Astrologiæ subiecta est, iam uero eorum signorum significationes declarabimus. Bene igitur linea cordis lata fuerit longa, & bona proportionē disposita. Similiter linea epatis, capitis autem tenuis & exigua diuturnam uicturum uitā hominem denunciat dementem tamen, & exigui futurum intellectus. Causam huiusce rei iam diximusq; uitæ uel cordis linea decenti proportionē, quando fuerit disposita & formata longæ est uitæ indicium. Capiti uero linea breuis & tenuis cerebri uirtutem debilem demonstrat, unde stulticia manet & intellectus modicitas. Quando linea capitis uersus restrictam sit bifurcata & non continua, recta hominem statū tentare significat duplicem, neq; in unum cor potest se occuparet amē, sed abit ipse in diuersa. Si autem uersus montem manus tetenderit prope restrictam cogitatus suos ad pessima detorquebit, & absque timore diuino ab ingenti habendi cupiditate ipse detorquebitur. Quod si percussione uersus bifurcata conuenerit, bonam in partem cum timore diuino & uirtutis amore mores commutabit, quando autem in ea continuatio nulla fuerit, sed obliqua disiungentur, signum est in uirtute ipsam lineam producentem debilitatem inesse potestate carentem.

Denotatur igitur cerebri animalem uirtutem esse debilem, ex quo etiam sequitur huiusmodi uoluntate ad diuersas cogitationes mutabilem esse, tam bonas quā eitā malas. Et epatis linea quando longa, lata, & splendida,

Capitulum

Capitulum

colorata fuerit, diuturnā uitam & bonā significat cōple-
 xionē, oppositū uero, si breuis, tenuis & colorata fuerit.
 Epar unū est ex primarijs mēbris ad uitæ conseruationē, à
 quo sanguis uniuersum corpus nutriens emanat. Si igitur
 quæ ab eo ducit originem bona fuerit proportionē disposi-
 ta, signum quoq; est optimæ dispositæ proportionis in epa-
 te ad optimi sanguinis generationem. Quā in re hoc ueluti
 maximum quoddam præceptum seruādum est optima esse
quodcunq; membrum dispositione adfectum, quādo etiam
ab eodem emanantes lineæ decentissimæ fuerint deductæ,
effectum enim causæ adsimilari est necesse. Sed huiusce ru-
 bedo lineæ, purum & nitidum significat sanguinem, & ex
 consequenti corporis restaurationem, à quo uita procedit
 diuturna, quod si disiuncta sit coloreq; debilis ob malam e-
 patis dispositionem, malum sanguinē generantis, oppositū
 significabit, ideoq; imperfectam producit lineam, & quan-
 do epatis lineæ breuis fuerit & discontinua, multa cum ru-
 bedine, ea parte qua ad epatis lineam uergit, capitis egritu-
 dinem notabit ab epate manantem. Quando autem suo sit
 in principio accedēs ad uitæ lineam, ægritudinem in corde
 ab epate factam significat. Quando triangulus decenter
 fuerit dispositus & æquali bonitate proportionem serua-
 uerit in lineis, hominem longæuum significat futurum &
 probū, præcipueq; quando anguli acuti fuerint pulchraq;
 proportionē dispositi, quod si oppositum fuerit, oppositū
 quaq; in uita & moribus significat. Quando autem mensa
 longa & palmulis ramorū in palmæ speciem uersus mon-
 tem

tem Iouis *U*.uariata fuerit, & hominem corporis ad sanitatem dispositum, & ad animi bonitatem designat, eadem est cum prænominatis lineis sententia, hæc enim linea ab omnibus corporis membris descendit. Quamobrem si insignibus notis prædicta fuerit totius corporis bonitatem, & animum denotabit perfectum. Aduerte autem quod si dicta linea inter indicem & medium finiuerit, diuersos effusiois sanguineæ effectus potest significare, aut capitis ictus aut uentris fluxus, aut deniq; in sceminis mortis periculum in puerperio, aut per uuluum sanguinis effusionem cum mortis periculo. Quando autem mensalis linea manuum dextram *Mens* transgressa fuerit sine ramis, senum hominem suis in rebus inconsultum, indignabundum, aliquando omni spe destitutum. Quod si cum uitæ & capitis linea coniuncta fuerit, aut etiã media naturali, maximam cholerae copiam significat, Martium hominem, prauæ cogitationis & ad homicidia perpetranda inclinatum. Scito autem quod omnis linea quæ à longitudine debita & proportionem recedit. fit & generatur à colore superfluo, & tunc præcipue quando loca sibi impropria occupauerit. Quando autem dictas mutationes effecerit, Martium significat hominem, & quod ceteris hominibus uult damnari, scuitia & homicidijs, qualis est Cholericorum natura & pugnantium, & quãdo præcipue cum uitæ linea conuinetur uerbis & blandicijs hominem efficit mendacem & deceptorem. Non est autem ignorandum, quando lineæ manus non fuerit decenti proportionem secundum naturales situs & loca dispositæ naturalis

lis uel præter naturalis potius coloris debilitatem esse indicium est, & quando linea mensalis ab hoc situ uel suo naturali abito loco, inq; capitis lineam tendit, naturalis coloris humano in corpore defectum significat, ipso à capite incipientes indicat, ex quo huiuscemodi homines exigui sunt intellectus & discretionis, & semper falsa detineantur imaginatione, qua alios frequentissime decipere credunt, quod euenit ingenti ex cerebri siccitate, quæ à calore & super naturali superfluitate descendit, & quemadmodum diximus, linea mensalis à totius corporis uirtute manat. Omnia enim accidentia humano in corpore aduenientia inde sumuntur, & quoniã animali homini præcipue duæ insunt uirtutes. i. irascibilis qua externa euitantur nocumenta, altera est cõcupiscibilis, qua sequimur delectabilia inimici, à quibus nocumenta eueniunt per irascibilem partem intelliguntur, unde inimici pars inferior ascribitur. Superior aut ipsius cordis intrinsece uirtuti, qua naturales inclinatioes capiuntur, hæc autem quã plurimũ ex Chyromantica disciplina è splene manat. Cũ uero mensa manus quæ inter mensalem & mediã naturalem iacet, in medio fuerit angustior, parcum & auarum denotabit hominem, sed latior modicam in sumptibus mensuram, imò & prodigalitatem commonstrabit, hominem quoq; nimium credulum & plerunq; ob credulitatis nimie uitium deceptum. Quando autem mediocris fuerit, hominis libertatem pollicebitur, & cum manus mensa integra sit, & in manu pateat ipsius corporis, uel hominis complexionem, prout ipsa tendit in diuersa.

C O M P E N D I U M.

Nam sicuti docuimus, mensalis linea toto ex corpore suum habet significatum. Linea igitur capitis lineæ admota naturalis coloris defectum monstrat, quippe cum haud debite dictas lineas dilatare potuerit, pariter quoq; oppositū fuerit, quando nimium distantes uicissim inueneris, ipsum calorem superfluum significabit. Cum uero mediocris fuerit interstitio disiunctæ caloris temperamentum patefacient, qua in re illud aduertendum, quod quemadmodum frigida nimium complexio dictæ mensæ, angustiam, generat multa in homine auaritam denotantem, & hominis pusillanimitatem, ita esset ingens nimium distātia ipsius mensæ caloris abundantiam in humoribus declarabit, qua ex re immensa prodigalitas quædam & credulitas in homine efficitur. Quando autem dicta mensa debita cum distantia fuerit proportionē disposita, regimen & frugalitatem signat in homine, ipsum deniq; liberalem, temperatum, uirtutis cupidum, & Deum timentem. Et quando manus mensa uersus percussione[m] lata fuerit, & superiore in parte angusta, hominem in prima ætate non nihil prodigum, sed in senectute auarum. Oppositum autem erit, si opposito modo sese habuerit, in medio autem, quādo fuerit angusta, & in extremitatibus lata, prima in ætate prodigum, in media auarum, deniq; in senectute prodigū significabit, sed potius liberalem, quandoquidē sit ea in ætate cōsiliij maturioris. Descensus manus humanæ uitæ principium denotat, siquidē paruo exiguoq; nascatur corpore & intellectu.

Conti-

Continue uero procedit cum intellectus operum, morum
 deniq; omnium augmento usq; ad mortem, magis autem
 uel minus iuxta coelestium corporū influxus, quo ad cor=
 pus & eius membra, quantum uero ad intellectum, si ani=
 mæ organum proportionē congrua dispositum & perfe=
 ctum fuerit ipsum in partem exiguam habent cœli potesta=
 tem unò nullam. Siquidem nostra est libera uoluntas, & li=
 bere suo ex desiderio operatur. Itaq; manus descensus ui=
 tæ principium, ascensus autem finem. i. senium. Medium
 ipsius manus inter ascensum & descensum positum, uitæ
 nostræ medium significabit, & ideo qua in parte manus li=
 neæ prædictæ fuerint in ipsa uitæ ætate significata, etiam
 sua demonstrari significabunt, ut liberalitatis, uel contra
 prodigalitatis, & hæc sint satis quantum spectabat ad li=
 nearum principalium significata. Sunt enim & aliæ non
 principales lineæ, quæ adeo ueram significationem minime
 habent, neq; etiam naturalis ratio de illis quemadmodum
 de principalibus reddi potest, de quibus maior est naturæ
 cura & sollicitudo, cum omnes naturales potentie ad hu=
 manæ uitæ fauorem operentur, ueluti rei ipsa à natura effe=
 ctæ. Semper enim perfectissimam rem quanq; nititur effi=
 cere, quare mirum in modum studet, ijsdem faucibus parti=
 bus ipsam naturam fauere fuerit opus, atq; etiam mitigare
 ac temperare nimium superfluas partes, quæ ipsa in huma=
 na uita accidunt nimio ex frigore uel calore, sicut superius
 dictum est, & etiam in manuum significationibus declara=
 bitur, & suarum linearum multo apertius sigillatim de
 omnibus

C O M P E N D I V M.

omnibus signis loquentes lineis, scilicet, rimulis, montibus, digitis, crucis, aut stellæ, aut similium deniq; rerum signis. Insuper addam quoq; triangulos, contrangulos. Postremo multos angulos diuersa ratione formatos. Aliquando heptanguli, aliquando hexanguli, aliquando autem nulli omnino conspiciuntur. Aliquando quatuor in manu naturales lineæ non reperiuntur, nam aliquibus prosperitatis, aliquibus media uaturalis, aliquibus mensalis deficit lineæ. Nonnulli quaternos tantum digitos habent in manu, qualem ego noui quempiam. Quod ex naturæ defectu potest euenire, & cælestium corporum opificio. Senos nonnulli digitos habent, quod etiam uidi alias copiosa nimium abundare materia. Nunc superest de manuum Physionomia & suis actibus dicere, de quibus etiam in manus figuratione cum subiecta expositione nota dicemus. Primo igitur sciendum nimium breuem manum ex frigidityte & humoribus pinguiſſimis procedere, manumq; longiusculam ac digitos hebentiusculos, hominem lætum, tardum, & Flegmaticæ complexionis significat, & quando fœminam digitos oblongos & magnum curtam habere depræhenderis, propter uulvæ curtam fissuram difficile parituram significat. Quando autem manum palma inueneris longam, digitosq; ad proportionē debitam ipsius manus longiores, & quod tactu non mollis, sed dura potius inueniatur, hominem ad multa mala opera ingeniosum significat, furem præcipue & uitiosum, & quando concavam manum tactuq; soldā, & bene articulis compactam inueneris, uitæ longitudinem

C H Y R O M A N T I A E

sed multa hominem malicia deturbatum notabit. Quod si male esset compacta articulis, uitæ breuitatē, hominemq; nummorum accumulatore[m] significabit, & quando manus tenuis fuerit & longa bonaq; proportionē, iuxta corporis proportionem disposita atq; colorata, hominem moratum, longæuum, iusticiæ & honorum amatorem, & timentem deum. Cum uero manum sui corporis qualitate breuiorem inuenies, cauillosum, hominem sagacē, quinq; uerba ferre non potest, brachijs uero fortem. Et quando manum inueneris breuem admodum & crassam, digitos quoq; breues & crassos, inq; summitate lati[us]culos in corniculorū speciem, signum est huiuscemodi hominem transgressorem, furem, insidiatorem esse, atq; omni repletum nequitia, & eo magis quo in summitate ipsi fuerint digiti lati[us]culi. Quando palma debita proportionē fuerit longior, digitiq; breuiore[s] & latiore[s], hominem lentum significat tardum, fatuum & superbum, & tanto magis si in percussione fuerit manus. Quando manus longa, magna, & conuenientis fuerit proportionis, hominem significabit liberalem, probum, magno præditum consilio, ingenio acutum, & amicorum studiosum. Si manu extenta digiti fuerint simul clausi, & adeo contigui ut aer minime transpareat curiosum & sollicitum significabit hominē. Quod si oblongi essent digit, auarum & malignū significat, cuius astutia in malum potius quàm in bonum tendit, existimans uitia uirtutes, seq; asserens probum cum sit ueluti belua. Manus extensa cuius digiti ossei, sicci, & tactu duri refle-


ctantur

C O M P E N D I V M.

Et antur, iniustum hominem, ingenio acutum, multoq; fortius malam in partem, quam in bonam, & præcipue si farinosa inerit pellis. Manus quæ in postrema digitorum parte respiciat, hominem facit inuidiosum, sed in bonam potius quam in malam partem, uirtutis auidum, suisq; in negocijs sollicitum, & quando hominem inueneris qui uicissim digitos percutiat dum loquitur atq; si tympano pulsaret, uariæ cogitationis & suspicionis hominem denotabit, magnaq; obuolutum malitia, & quando quispiam porrigit manum ut aliquid capiat, ipsaq; manus ei modeste contremiscat, is cito cecidit ab iracundia, bona est natura, pudorem ueretur, sed non nihil Cholericus. Quando quispiam dum comedit os ad cibum, non autem ad os manum porrigit, is gulosus & pessimis est repletus moribus, mala natura, cæteris cum hominibus discordem & indignabundum. Et quando inueneris hominem qui pollicem inter alios digitos pugno oclusum tenuerit, auarum significat hominem, quiq; iure & iniuria uelit uiuere.

Veneris mons tumidus in cuiuspiam manu & altus, hominem indicabit luxuriosum, sed qui Musica delectetur & instrumentis, probus tamen & cæteris cum hominibus uersatur. Et quando quispiam nimium longam habuerit manum digitosq; longos, & nonnihil graciles, & quod in dorsum manus ipsa reflectatur, quodq; manus sit tactu mollis, signum est calidi humoris, & calor hominem reddit industrium suis in negocijs, atq; etiam cupidum ad ea desideranda quæ minime debet, crudelē præcipue, unde scias quem

modum dicit Iulianus, quod manus praelongas habentes, si-
miles existunt animalibus, & etiam auius rapina uiuen-
tibus, ✱. nam quanto digitos & ungues longiores, graci-
liores, sicciore & maiores habuerint, tanto erunt ad rapi-
nam aptiores, atq; à principibus & aucupijs maiori haben-
tur in precio. Similiter tyranno manus quoq; fecit natura
longas, hominibus quoq; rapina uiuere uolentibus & sudo-
re ceterorum hominum, oportet quoq; linearū quæ sunt
in manu rationem habere. Nam sinistra manus suas efficit
lineas à uirtutibus & potentijs cœlestibus procedentes in
hora natiuitatis, quando è uentre materno in huiusmodi
lucem egreditur. Qua in re est aduertendum, ut plurimū
sinistræ lineas, dextræ lineis non esse similes, neq; etiam ita
perfectas aut conspicuas. Quando autem simul conformes
inuenieris, tibi sit exploratum, uerum ex eis indubitato af-
fectum produci, aut boni aut mali, iuxta earum uel bonita-
tem uel maliciam. Quando autem diffformes fuerint, neq;
simul debitam habuerint conuenientiam superiores cœlo-
rum potentias magis fauisse illi parti, ubi perfectiores re-
periuntur lineæ iudicato, siue illud in dextra siue in sinistra
fuerint manu, & quemadmodum dictum est, sinistra eas
in conceptionis hora, dextra uero in natiuitatis momen-
to producit, Quando autem sinistra cum perfectioribus li-
neis inuenieris, magisq; coloratis & superent lineas, quæ
sunt in dextra manu, tunc iudicium tuum ex lineis in eadē
sinistra existentibus efficitur signum, est enim cœlestes uir-
tutes in hora spermatæ, quàm in hora natiuitatis, talis nati
per=

perfectius fuisse operatas, & tunc præcipue quando sinistra
manutan q̄ dextra debite utitur, hoc est quando sunt scevola
sinistramq; habent pro dextra. Aduerte autem quod quan
do mensalem lineam ad montis Iouis  summitatem pro=
ficiscentem inueneris cum duobus ramis perfectius, & ra
mus qui ad indicem uergit, faciat uel producat unam crucē
✝. tamet si non fuerit ipse religiosus, tamen religiosorum
causa utile aliquid habebit, quod si stellam unam produce=
ret, signū esset eiusmodi hominē tantum sibi fauoris apud
quendam magnum Prælatum demeritum erit, quod ab eo
nunquam separari posset & esset quemadmodum ille po=
tentissimus, adeo ut eum alterum se arbitraretur, quando
autem alter eiusdem lineæ ramus in pollicem tendit, & cū
media & uitali suo in principio coniungitur, signum est ta
lem hominem multas diuitias acquisiturum suo ingenio,
quod si dictus ramus coniunctionem fecerit cum rimulis,
quæ fratuum & affiniū discordiam significant, & eiusmodi
fecerint unionem; ut una simul omnes uideantur contra
rium contrarium significabit ab affinibus, scilicet
hominē uiuandum, & eorum causa diuitias
comparaturum, & ad aliquem dignita=
tis gradum cōscensurum. Hec nos in
uniuersum hucusq; fuisse præsa=
tos sufficiat nūc sigillatim ma=
num figuris appositis linea
rum & signorum om
nium expositionem subiiciemus breuiter & aperte.





- Quando qutuor lineæ æquali mensura fuerint continue brachium circumquaq; diuidentes, & bene coloratæ, octogintq; annorum ætatem indicabunt. Si uero duo ramuli superne fuerint, acutum angulum ut hic apparet facientes, hominem significat mortuis heredem successurum, in cuius senectute honorem, diuitias, & quietam uitam pollicetur, eoq; magis quando in dicto angulo * aut † inuenietur, sed postremo paucis ægritudinibus subijcietur.



Quando in manu has duas inueneris lineas superiores 2.
 latas, tenues uero inferiores, ut hic apparet, ad mediã usq;
 ætatem uitæ fortitudinem, & diuitiarum copiam significabit,
 ultra uero ipsam ætatem mediam & diuitiarum diminutionem,
 & uitæ indicabit debilitatem.



Si quatuor in restricta linta fuerint inuenta, ut hic ap-
paret, octoginta annorum etatem significat, & in prima
& secunda paupertatem & uirium debilitatem significa-
bit, sed ultra mediam etatem, & rerum & fortitudinis au-
mentum significabit.



Verum si prima crassa, & secunda subtilis, tertia crassa, quarta subtilis, ut hic apparet inuenta fuerit, in prima ætate fortitudinem & diuitias significat, in secunda utriusq; rei diminutionem, in tertia augmentum, in quarta postremo diminutionem, & hoc modo si lineæ crassiores, latiores fuerint, bonum indicabunt, tenues uero malū. Vnaquæq; lineæ xxx. ætatis annos pollicebitur.



Quando in restricta prima linea discontinua & tortuosa fuerit inuenta, reliquæ uero in sequentes continue cū angulo recto & continuo ut hic apparet, uitæ non rerum debilitatem significabit, postea causa cæterarum linearū inferiorum, etiam in uita multo magis prosperabitur. Veram si angulus non inueniretur, & uitæ & rerum debilitatem significabit, homo erit laboriosus absq; honore, modico ingenio & uitijis plenus.



Quando inueneris hanc lineam rectam & bona proportionem dispositam, uitam quietam & animi significat fortitudinem, uirum probum, qui quo aduixerit, in honore habebitur, uitam habebit quietam, sed maxime diuturnam, nisi forte à quatuor lineis naturalibus adiuuetur, Martisq; triangulus adeo magni esset roboris, ut uitam longiorem concederet.



Si huiusmodi per restrictam sparsa inuente fuerint,
se se inuicem non contingentes, sed in diuersa abeuntes ma-
gno ingenio significabit hominem, malarum cogitationum
effectorem, qui si id quod mente cogitat efficeret, pessimam
sortem incurreret, patris contemptorem & inobedien-
tem.



Quando hanc prosperitatis lineam inueneris, hominē
ad senectutem usq; prospere acturum significabit, si recta
& colorata fuerit. Quod si oppositum fuerit, etiam oppo
situm significabit, & nouarum scientiarum edificatorem
in edificijs struendis liberalem, alijs autem in rebus auarū,
agris & hortis instaurandis maxime idoneum.



Quando prosperitatis lineam ad mediam ut hic apparet ascendere inueneris, probum significat hominem, suas res indies foelicius agentem ad mortem usq;, uirtutis amatorem, ingenio magno. Aduerte autem quod dicta linea debet esse recta & continua, nam si fuerit tortuosa, ut in sequenti apparet manu, contrarium significabit.



*Quando in manu huiusmodi duas lineas inueneris, quæ
mediam offendat, ut hic apparet, hominem sæpe in lucro
uersari significat, sed malo ingenio, perfidum, infortuna
tum, suis in negotijs sollicitum.*

Honorifica



Honorifica significat itinera, quando duæ dictæ lineæ,
 fuerint ut hic patet, sed hominem peregrinationis amato-
 rem, cui Magistratus honorifici & lucrosi dabuntur, si
 huiusmodi in locis manere uoluerit.

E



Quando has duas lineas supra uitæ lineam iacentes in
ueneris, ut hic, uitam significant quietam.




Loquacem, præsumptuosum, modico cum lucro, seru-
uum, peregre proficientem, sed ualde seruituti subiectum.

E 2



*Instabilem significat peregrinatore[m] & uagabundū,
diuersarum regionum habitatore[m] & pauperem, quādo
talīa fuerint signa cuiusmodi uides.*



A patria separationem significat, quantoq; maior fuerit distantia magis aberit ab ipsa extra quam ideo non morietur.



Ignarum hominem & obtusum significat, nullo ingenio, mortem instar fatui in patria obiturum, ueluti frustum carnis duobus cum oculis.



Hominē in lucro frequenter uersari significat, sed sibi
imminere periculū ne furtum ab his patiatur quibus ipse
maxime fidit, illustrem & magno ingenio omnino.



Quando huiusmodi lineæ tortuosæ uersus montem manus tetenderit, hominem nummis multarum, fortasse uero carcerem ob non redditam pecuniam significabit.



Fideles nō habere amicos indicat, ipsum uero probum
fidelem & moderatum, itaq; cum ignotis hominibus non
ineat societates.



*Hominem in seruitute significat, & ad navigationem
ui cogendum, & maiori uita suae tempore futurum seruū.*



Quando hæc linea per restrictam transierit tendens
 tortuosa in uitæ lineam proximam, significat ægritudinem.
 Si pallida fuerit præterijſſe notabit, præcipue autem si in
 fundo nigrior fuerit, & si fuerit pallida, significabit futu-
 ram, sed seram hoc intelligendum prope restrictan.



Quando hanc lineam à restricta nascentem, & uitæ li-
neam secantem inueneris, eum, significat seruum propria
uita cariorum amissurum.



Natura & bonæ famæ significat hominem propria in
patria moriturum, Deum timentem & probum.



Quando hæc parua linea supra uitæ lineam iacuerit,
ut hic apparet, iniquæ naturæ indicabit hominem.

Quando exiguas has lineas in manus fundo, ut hic ap-
paret inueneris, totidem breues peregrinationes, & non
nihil lucrosas significabit.



Diuturnam uitam securam, hominem quoq; audacem
significat, honoris cupidum & uerecundum, quando hæc
uitæ linea bona fuerit proportiõe disposita & boni coloris
& æqualis latitudinis, ut hic apparet.



Quando superius crassa fuerit, ut hic apparet, ruralem uitam & bestialem, hominem quoq; presumptuosum indicabit, præcipue uero quando manus dura fuerit tactu & pelle nigrior.

Quando



Quando huiusmodi lineæ, ut hic apparent, inuenta
fuerint, principium seruitute significant, fortunatum ta=
men quippe quem sint principes amaturi, & muneribus
donaturi.



Quando paululum in uertice crassior fuerit, post uero
attenuetur significat mutabilem & mutabilis consilij homi-
nem uagabundum, & ingenijs obtusum, nisi à Martis tri-
angulo adiunaretur, pro ut bonitas aut trianguli malicia
fuerint.



Quando hæc uita linea crassior inuenta fuerit, & in
 uertice fortificata, ut hic apparet, acutum & boni consilij
 significabit hominem uirtutis amatorem & uerecundum.



Quando fuerit subtilis tota & bifurcata in uertice, ut
hic apparet, acutum ingenio, uagabundum, mutabilem si-
gnificabit, sed ualde astutum, & diuersarum regionum cu-
pidum.



Hominem cum matre iratum significat, & ea causa sanguinis futuram effusionem. Sed si dicta signa & lineæ pallidæ fuerint non sortiatur effectum, erit uero ipse iracundus & superbus.



Si dicta in media passum fuerint spacia inuenta, quod
ipsa fuerint, totidem significabunt homicidia: si clausa qui-
dem ipsa fuerint aliquantulum, totidem uulnera diuersis
hominibus daturum pollicentur.



*Morum significat in eptitudinem, in dissolutum inue-
recundum, sed inter cæteros præsumptuosum hominem.*

F 4



Hominem sine gratia, cum uiris moratis, significabit
infortunatum, nisi à triangulo & mensali adiuuatur.



Si subtilis fuerit & pallida, cerebrum debilitatem significabit, præcipue autem si in fine curua fuerit, sed hominẽ probi consilij & uirtutis amatorem.

F 5



Quando media non retigerit lineam prosperitatis,
fitq; brevior ut hic, timidum avarum, sine ratione signifi-
cat hominem, quiq; fit in carcerem coniiciendus, et ad uitæ
periculū expositus, ipsis à iudicibus plectendus sanguinis
pœna periculum, deniq; perdendi capitis sit subiturus, aut
ipsius aliquid membrum.



Quando hæc media tangit mensalem, & sub medio di-
gito secat ipsam, improbum significat hominem, quiq; sit
iuuenis moriturus uiolentia aut repentina morte.



Quando hæc media ad manus montem accesserit, ut hic
apparet, audaciam significat, uitam longam animi probi-
tatem, & hominem timentem Deum, scientiarum amato-
rem, & ob eam scientiam futurum honorem, sed non nihil
rerum parum:



Quando hæc media in digitos reflectetur, prauum & imprudentem significat hominem, quod si digito tetigerit, stultum hominem sine ratione, sed audacem & magnanimum significabit, in amicos uero auarum potius quàm liberalem.



Quando hæc media ad restrictam uel prope tenderit,
cupidum & auarum hominem significat, quiq; iure aut in=
iuria contractus efficiat, iniustos fingens sub probitatis spe
cie, ob misericordiam ceteris inseruire.



Quando hæc media manum trasierit, ut hic apparet,
uitam longam, rerum inopiam, uitam laboriosam deniq; si-
gnificat.



Quando media mensalem attigerit, magnum damnum
significat, aduersitatem, quæ si alios ramos non effecerit,
& duræ ceruicis hominem, quiq; periculum nullum con-
sideret.

Quando



Quando fuerit discontinua & tortuosa, ut hic apparet
 scœlus & furtum significat.

G



Quando basis paululum fuerit tortuosa & pallida, do-
lorem, significat, proximum, astutum hominē, ingenio ma-
gno iracundum & deceptorem. Quod si crispitudo affue-
rit, hominē tardum, flegmaticumq; significat & uicio-
sum.



Quando triangulus, ut hic apparet, perfectus fuerit, probum significat hominem, uitæ longæ, animi fortitudinē, securam ab amicis, dilectum cordis, quoq; significat fortitudinem, liberalitatem. At si fuerit oppositum, contrarium similiter significabit, hoc autem si color inerit perspicuus



Sed quando in uitæ principio triangulus non adheserit
hominem bonas societates deferere, malas inire, foeminis
delectari, pulchras uestes induere, omnibus deniq; rebus
iucundum, prodigum, non nihil paternæ autem hereditatis
partem amissurum indicabit.



Quando crassa & rubra in fundo fuerit, ut apparet hominem significat seuum, superbum (satis) & animosum, astutum ad iniqua. At quando perfecti coloris fuerit, hominem summo consilio, subtilem ingenio, amicum, fidelem omnibus, & catholicum indicabit.



Quando edua mensura crassa fuerit & pallida, uilem sanguine, prae ingenio significabit hominē. Quod si ualde fuerit rubra, indignabundum, iracundum & crudelem indicabit, exigua ratione & regimine.



Quando subtilis & recta fuerit, ut hic apparet, acuto
 ingenio, nobilemque sanguine significabit hominem, &
 precipue quando manus percussio extrinsecus super gra-
 dum fuerit ualde pillosa.



Si fuerit ut hic apparet, uita significat breuitatem, sed
magnum scœlus, exiguam fidem, nisi & prosperitatis li =
nea & mensali adiuuaretur, sed ab animi iniquitate non
adiuuabunt.



Si separata aut fracta in medio fuerit, ut hic apparet,
in anno XXV. ægritudinem significat, & quemadmodum
uersus restrictam & ipsius lineæ fuerit uertice.



Quando stelle *** inuenientur intra uitæ lineam
propter fœminas calumniandum & iituperandum signi-
ficat. Sed quando dictæ stellæ extra dictam lineam fuerint
calumniam patitur. sed ab ea paruo cum labore liberabi-
tur.



Bonam dispositionem, bonum cerebrum, bonum ingenium, si longa fuerit bonaq; proportione disposita & colorata. probitatem, sed uitæ & rerum prosperitatem significabit.



Sinna ex distis crucibus †. inuenta fuerit in medij di-
 giti aut auricularis medio unius anni spacio moriturum,
 aut mortis aegritudinem subiturum significabit.



Quando bifurcata fuerit, hominem in senectute, quod
maxime catholicum, significat, & in statu gratiae moritu-
um, quiq; religionis in eundem uoluntatem habuerit, uel
ui affines tale propositum suaserit, & tamen cum uestis ha-
bitum non portauerit, secreto mentis portabit.



Si tortuosa hæc linea male disposita & non continua,
hominem à bestijs occidendum significat, aut eius mortis
magnum sibi imminet periculum.




Si pulchra fuerit lata & colorata, ut hic apparet, &
letum hominem animoq; fortem significabit, sed eiusmodi
leticia ab ingenij procedet. hebetudine, animo inquam
fortem & consilio, sed exigit cura.



Quando fuerit, ut hic apparet, ingenij hebetudinem
significat, sed aliquatenus maliciosum, ingenium ad malū
perpetrandum, & intellectum iniqua & mala producen-
dum.

Si fuerit



Si fuerit in fine, ut hic apparet, ferro uulnera inferenda
gnificant. Si huiusmodi fuerit signum  ut hic apparet,
ctorum uulnerum periculum significabit.

H



Hæc stigmata pulchra & colorata, morum be-
 nitatem significant apprehensiuâ uirtute præditum, sed ma-
 nime iudicatiua, ornatum moribus, uerecundum, honestum
 in cibo & omni suo opere.



Quando capitis linea tendit ad mensalem, ut hic appa-
 et, hominem sparsurum significat sanguinem suum quoq;
 fundendum maledicum, neq; aberit à periculo mortis si-
 inferendæ.

... ..

H 2



Quando mensalem cum uita, cum capite, & cum basi
 triangali coniunctam inueneris, ut hic apparet, adeo ma-
 gnum homini periculum imminere significat, ut cum uita
 mortem commutare cupiat.



Quando huiusmodi parue lineæ in trianguli principio
 nientur, ut hic apparet, hominem significat decepto-
 rem, detractorem, uicijs repletum, ingenio acuto, cum
 borum blandicijs.

H ;



Quando parua hæc linea transiens inuenta fuerit, i
hic apparet, hominem ueneno moriturum, aut inopinat
pœnæ morte significabit.



Quando triangulus est parvus, & bona proportionē
dispositus, hominem significat superbum, iniquitate plenū
auarum, sagacem, lingua celerem, & nō nihil rebus inopē
sed laboriosum, multis in negocijs cum tēdio & labore, ni-
si ab alijs lineis adiuuaretur.



Quando uita linea & media infra medium digitum
coniunctæ fuerint, ut hic apparet, uitæ miseriam, animi
prauitatem, auariciam, & ingenij subtilitatem in acqui-
renda pecunia iniustæ, sollicitudinem, hominẽ quoq; nemi-
ni fidentem significabit.



Quando inuenientur hæc signa, ut hic apparet, ob se-
 minas totidem hereditates assecuturum significat, quod fu-
 runt ipsa signa.

H ,



Quando in manus curvitate angulus fuerit altus, ut hic
 apparet, avaritiam & rerum desperationem significat, ab
 omni deniq; spe absolutum.



Quando simplex aut duplex crux hæc inuenta fuerit,
hominem liberalitatis poenitere, uitæ quoq; prosperitatem
sed rerum dispensatorem.



Quando due ille rimule inuenientur quae non contin-
gant, ut hic apparet, hominem significat ebrum & uinosum



Quando inuenietur hæc crux, ut hic apparet, hominẽ
significat discordem & ualde improbum, cuius uerba &
detractiones effundendi sanguinis causam præstabunt.



Quando hunc angulum restrictam uersus acutum in-
 ueneris, ut hic apparet, cordis bonitatem, & sanguinis for-
 titudinis quoq; uirtutem, hominem deniq; magno ingenio,
 eoq; magis si coloratus fuerit.



Quando hic angulus inferius fuerit obtrusus, ut hic ap-
paret, lataq; fundatus, malam significat dispositionem, in
genij hebitudinem, inertiam, negligentiam, & sua ad nego-
cia pigritiam maximam.



Quando infra indicem acutus fuerit, ut hic apparet, in
genij acumen, bonam dispositionem, mediocrem sollicitu-
tem, ineffabilem uitam, probum scilicet uirum, & iusticie
amatorem.

Quando



Si inuenietur quod inferius non contingat, et spaciosus
 fuerit, ut hic apparet, animi significat malignitatem, absq;
 fidei firmitate atq; conscientia.



Quando superius hic angulus non tetigerit, ut hic apparet, hominem significat impurum, & sibi metipsi, impacientem, fastidiosum, crudelem, murmuratorem, perfidum, debitorem, sine laude loquentem, infidiosum, detractorem prodigum, audacem & bestialem. Si minime fuerit conditionis, semper erit seruus, & si fuerit liber in captiuitate, & miseria uita moriturum significat.




Quando angulus sinistrae decenti fuerit proportionem
 dispositus, ut hic apparet, intellectus, bonitatem, significat
 hominemq; probe sentientem, diuturnae uitae, iusticiae atq;
 iuris amatorem.



Sed quando angulus sinister fuerit, ut hic apparet, de-
 ceptorem, maliciosum, cauilatorem significat, quiq; liben-
 ter litibus delectetur, cum cognatis & alijs hominibus; an-
 gulum dico qui basis est & mediae causa.



Quando rete inueneris, ut hic apparet, improbum hominem significat, sed bono exitu foelicem. Sed si in fine retis crux  inuenietur, ut hic apparet, huiusmodi hominis maliciam diminuit.



Verum quando prædictum signum inuenietur in principio anguli, ut hic apparet, proximam unius anni egritudinem significat, longiorem aut breuiorem prout color indicabit.



Quando inuenietur crux ✚ ut hic apparet, brachio-
rum significat fortitudinem, cordisq; superbiam. Is regio
nes multas perquiret, hoc accidet quando rubra fuerit,
& huiusmodi anguli in crucis similitudinem, & si fuerit
miles suo in statu augmentabitur.



Quando basis flexuosa fuerit, angulusq; uita altior, ut
hic apparet, pauperem rebus & animo debilem, & quando
senectuti appropinquabit, ab alijs ex inopia & rerum
paupertate adiunabitur.



Quando duo rami inuenientur à uita nascentes, & per
 triangulum hoc modo transeant, post aduersa prospera
 uentura significat. Notandum uero quòd huiusmodi ra-
 mi sunt partes lineæ prosperitatis qui cum uitæ lineâ uni-
 untur, & in ramorum speciem egrediuntur.



Quando inuenientur huiusmodi rami, ut hic appa-
ret, paternam facultatem amissurum significat, aut homi-
nem exulare, & cum affinibus litigaturum, illorum non
propria culpa, talis est enim cui lites & discordie displi-
ceant.



Quando inueneris tres ramos prosperitatis qui uitæ
coniungantur, quique postea cum basi trianguli adhereant,
acutum ingenio, animo fortem, iusticie amatorem et pro-
bum significat. Quando mensalis cum medie linea in oda
bitur malo, significat hominem ingenio calumniatorem,
homicidam, effundendi sanguinis auidum, et eo magis quan-
do media infra uitæ lineam initium habuerit, ut hic apparet.



Quando intercifam inueneris, ut hic apparet, labores
 & angustias cum principibus, adeo quod partem suae sub-
 stantie sit amissurus.



Quando inueneris mensalem quæ inter medium & indicem desinat, siq; tenuis sanguinis fluxum significat, uerum si crassior fuerit, uulnera significat in capite, si rubra fuerit in pectore, in foemina subtilis menstruum significat, si crassior, partu morituram. At quando medio proxima esset, fluxum significat, pectoris, quando est in medio, capitis, quando indici proxima fuerit.



Quando inueneris ramum à mensali abeuntem & ad
medium accedentem, angustias & labores significat. At
si florida in fine fuerit, ut hic apparet, lucra significat, &
fabricam desyderium, per se tamen non poterit, nisi ab alijs
adiuuetur, uel pro alijs id efficiat, non pro se.



Quando duo rami à mensali & ad auricularem flexuo
 i abeunt, hominem scientiarum avidum significat & vi-
 riorum fugacem, sed pauperi offendetur, scilicet à pauper-
 tate & à scientia repelletur, pecuniarum difficultate, ut eā
 assequi non possit.



Quando crucem inueneris, ut hic apparet, ab ea rimu-
la intercisa, significat inimicitiam, & quot fuerint, totidē
significabit. At si fuerit intercisa, ut hic apparet, affinium
inimicitiam significat.



Quando supra Mercurij montem simile signum inue-
neris, ut hic apparet, amicos significat, quod si fuerit inter
sectum ab alijs lineis, quot ipse fuerit, totidem significabit
amicos.



Quando inueneris lineam quæ mensalem diuidat, ac
 beatq; à mensa manus & crucem † in contractu habeat
 ut hic apparet, uiolentam significat mortē diuitiarum suarū
 causa, uel iniuste damnandum paternæ hereditatis
 gratia.



Quando inueneris lineam quae abeat à uita, et uersus
medium diuidat mensalem, miserabilem mortem, et ob sua
fortasse facinora significabit.



Quando inueneris mensalem, quæ lineam supra se habeat hominem, perfidos habere amicos significat, omniaq; cum difficultate acquisiturum, uitam uero longam. At si maximum uersus ramum fuerit, locupletem significat futurum. At si una uel duæ lineæ fuerint ramosæ in palme speciem à principio ad finem honorem & rerum augmentum significat, & præcipue ultra mediam ætatem.



Quando inueneris manum quæ ramum à mensali ab-
 untem & ad medium tendentem habuerit, hominem signi-
 ficat audacem magnanimum & timentem deum.

K 3



Quando supra Mercurij montem rimulas, ut hic appa-
ret, inueneris, totidem significat filios. Et si aliqua fuerit
longior & splendidior cæteris, talem significat sapientissi-
mum filium ingenio quoq; atq; fortuna proprium paren-
tem superatum.



Quando inueneris mensalem quæ conspicuas & pul-
 chras habeat puncturas ordine succedentes neq; lineam
 egrediantur, sicut etiam colorata, significant continentē,
 probum, fidelem, quiq; deum timeat. At simulato colore
 & inordinate fuerint, oppositum significabitur.



Quando inueneris quasdam lineas rectas à media abe-
untes & ad mensalem tendentes infra digitum medium, ho-
minem penè futurum homicidam significat. At si fuerit li-
nea abiens à mensali ad mediamq; tendens, infra digitum
medium, huiusmodi penè interficiendum significabit.



Quando inueneris lineam semicircularem, quæ inter
medium & indicem incipiat, desinatq; inter minimum &
annularem, honorumq; lineam secet honorum priuatione
significat, aduersitatem quoq; & precipue carceris.

•udawingic ••••• K 5



Quando inueneris exiguam quandam lineam quæ inter medium & indicem oriatur, tendatq; indicem uersus, hominem alios in carcerem compulsurũ significat. Quãdo fuerint duæ parue lineæ in percussione, ut hic apparet, hominem à bestiis mordendum significat, præcipue à canibus quando fuerint oppositæ manus percussioni.



Quando inueneris lineas supra minimi montem, ut hic
apparet, totidem significat matrimonia, quot fuerit supra
montem lineæ ascendentes. At si circumflexæ fuerint, im=
bedita fuerunt, impedita erunt matrimonia. Si autem fue=
rint lineæ quæ transuersæ extendantur, ut apparet in infi=
na, hominem captum amore cuiusdam foeminæ, & ligatū
significat.



Quando inueneris manum inter signatam, ut hic apparet, in mensa manus, hominem in iuventute angustias passurum, significat, usq; ad annos XXIII. Si mensali fuerit in capite ramosa, ut hic apparet, hominem ab huiusmodi liberandum significat. Quod si fuerint cruces ✚ hominem usq; ad crucem laboriosum significabunt.



Quando rimulas inueneris à mensali abeuntes ad me-
liamq; tendentes, ut hic apparet, tot homicidia, quot lineæ
uerint significabit. Verum nisi utræq; lineæ applicate fue-
rint, hominem optasse homicidium significat, sed minime
effecisse, quod si rubæ fuerint, proxime futurum signifi-
cabit.



Quando inueneris mensam manu in medio tortam cum
 hac cruce ✚. aut alijs signis, latam uero percussione[m]
 uersus, hominem significat quammaxime auarum, quiq[ue]
 per fas & nefas diuitias comparare uelit, idq[ue] simulet cū
 probitatem dissimulet, præcipue cum media bifurcata
 fuerit duabus cum rimulis superne exiguis.



Quando mensalis latior fuerit & spaciosior, ut hic ap-
paret; hominem significat liberalem, dominiumq; nimia
credulitate passurum. Quando fuerit media bifurcata,
hominem catholicū significat & liberalem, quiq; deum ti-
meat & iusticiam colat.



Quando inuenietur una linea uitæq; à uita nascatur ,
 & habeat uersus Iouis montem unamq; aut plures faciat
 cruces ✠ hominem huiusmodi honores & diuitias habi-
 turum, & clericum significat, eoq; magis si inuenietur stel-
 la ✴ ut hic apparet, & si media fuerit bifurcata, homi-
 nem religioni deditum, supple, quod si religiosus fuerit, ma-
 num obtinebit dignitatem.

Quando



Quādo inueneris quasdam in indice rectas lineas quæ
inter primum & secundum nōdum cōtineantur, quot ipse
fuerint, tot ictus in capite significabunt. & etiam quando
mensalis applicabitur inter indicem & medium, At si non
attigerit, ictus quidem pollicentur, sed mortales non erunt,
sed si non attigerit utramq; iuncturam, ictus capitis, non
tamen ferro inferendos significabit.



Quando inueneris lineam quæ inter indicem & mediũ
 nascatur, & curuata in medij nodum tendat, propriũ car-
 ceris ingressum, at si in mensalem tenderit, haud propriũ
 significabit. Sed si ab exigua linea ab indice nascente fue-
 rit intercisa, ut hic apparet, eam rimulam carcerem impe-
 dituram significat, & ipso ex carcere significat egressum.

ambrosius



Quando inueneris supra Solis montem lineam à mensali abeuntem & ad annularem tendat, honores significat. potentēq; homini amicitiam. Verum si esset intercisa, ut apparet, inimicos talem opprimere uolentes, sed parum nocent. At si dicta linea intercisa fuerit ab una linea à mensali exeunte, hominem supple calumniandum, sed cum difficultate liberandum.



Quot lineæ supra mensalem fuerint, totidem significat
ægritudines in prima ætate, sed minime letales. Cumq;
huiusce modi lineæ e diuerso medijs fuerint, media in ætate si
gnificabunt. At quando indicem uersus, in senio eas de
monstrabunt futuras.



Quando in fine mensalis fuerit tenuis, ut hic apparet, rerum dominiumq; significat, & quando bona radice, bonoq; colore fuerit, rerum significat in secunda ætate restaurationem.



Quando mensalis ramum unum, indicem uersus habebit, & alium uersus medium, fueritq; obtusa, ut hic appareat, hominem à fortuna adiuuandum significat, rem quoq; proprio labore comparaturum.



Quando inuenietur mensalis quæ finiat in tribus locis,
ut hic apparet, hominem litigiosum significat, quod si fue-
rint pallide, minuunt significatum, quando autem boni co-
loris fuerint, talem effectum demonstrabunt.



Quando inueneris mensalem duobus, cum ramis, unū
ad indicem, alterum ad medium, acutum denotat ingenium
ad acquirendam rerum copiam, idoneum simulatorem, et
quo magis in capite tenuis fuerit, tanto erit pessimus.

¶ Item si in capite tenuis fuerit, tanto erit pessimus.



Quando inuenietur mensalis quæ in radice aut prope ipsa
 diuidantur, duosq; efficiat ramos, unum ad indicem, alte=
 rum ad medium, hominem significat nihil cogitantem, gu=
 losum, quicq; ob fœminas infortunium patietur, uerum nisi
 frangeretur, sed recta iret ad medium; uitam periculi tandâ
 significat, ipsum quoq; auarum, deceptorem, perfidum.



Quando mensalis manum permeabit, ut hic apparet,
hominem significat iracundum, crudelem, patri & cui-
cunq; inobedientem, & peruersa uoluntate in proprium
sanguinem ad homicidium, bestialem, superbum & discor-
dem in uxorem & liberos, minuit uero talem malitiam ra-
mus medice.



197 Quando in principio ramosa fuerit, in paupere rerum
 • affluentiam, & quo magis extenduntur rami, eo magis in
 senectute, sed nisi extendantur cessabit.

Et quod in principio ramosa fuerit, in paupere rerum
 affluentiam, & quo magis extenduntur rami, eo magis in
 senectute, sed nisi extendantur cessabit.



Quando mensalis fuerit in principioramosa atq; obtu-
sa ut hic apparet, aegritudinem in sexu, hoc est, testiculis
et genitali membro significat, aut podice.

Quando mensalis fuerit in principioramosa atq; obtu-
sa ut hic apparet, aegritudinem in sexu, hoc est, testiculis
et genitali membro significat, aut podice.



Quando linea uitæ & mensalis cōiungentur, facientq;
angulum, & non si media duræ ceruicis hominem signifi-
cat bestialemq;, sed mortis periculum imminere, & præ-
cipue ad trigesimum usq; annum, & cum patre aut matre,
aut uxore discordiam habebit, & ob eam causam postre-
mam desperationem in homine comminabitur.



Quando mensalem exigua cum sossicula in fine, ut hic
apparet, inueneris, hominem religiosorum uiolatorem &
puerorum, significat & aegritudinem in partibus genita-
libus patietur.



Quando mensalis bifurcata fuerit, hominem anxium
significat, & laboriosum usq; ad annum quadragesimum
postea res sue augmentabuntur, & cessabunt molestie.



Quando honorum linea intercisa fuerit & discontinua,
 & quod nonnullæ rimula eam intercidat, huiusmodi aufu-
 giat dominos. subibit namq; uitæ amitendæ periculum; &
 eo magis quando dictæ lineæ pallidæ sunt, quando rimulæ
 ab auriculari excuntes inueneris, sintq; boni coloris, per-
 cussiones uel impedimenta & infirmitates in brachijs, si-
 gnificat; & precipue quando bene coloratæ fuerint.

Quando



Quando à prima minimi iunctura ad secundam, profundas lineas inueneris attingentes ab una ad alteram iuncturam, totidem in cruribus percussiones significat, nisi fuerint intercise, sed nisi tetigerit non erunt cruenta. Quando mons Mercurij signis huiusmodi obsignatus fuerit, hominem magno ingenio, sed corde prauo, literis deditum, scientiarumq; amatorem significat.



Quando mensalis duos ramos efficiet, unum in medio
montis indicis, & alium ad iutam, hominem significat ec-
clesiasticum, longevum, & ex clericatu bona multa habi-
turum.



Quando in medio digiti fœminæ lineam nigram & profundam inter secundam & tertiam iuncturam inuenieris, huiusmodi significat meretricem. Sed si non esset nigra & discontinua, uoluntate, non effectu significat. Sed si fuerint subtiles, non dum corruptam significant. Si autem fuerint plures lineæ subtiles, castissimā significat, quod si fortē fuerit meretrix, id uolenter fecisse demonstrabit.



Quando in uiro aut foemina inter secundam digiti me-
 dij tertiã iuncturamq; lineas æquales hic intueris, tot filios
 significat, quot ipsæ fuerint. Quot lineas in foemina inuene-
 ris à prima annularis iūctura ad secundam, quæ sint rectæ
 & pulchræ, totidē maritos significat foeminam habiturā.



Quando huiusmodi lineas in digitorum summate inue-
neris, submersionem significat in aqua & uitæ periculum
in quolibet digitorum quando fuerint conuenienti propor-
tione dispositæ, ut potes uidere.



Quando inueneris duas lineas infra pollicis iuncturam
magnam significat hereditatem, sed si sola fuerint, exigua
significabit hereditatem, sed si ualde apparentes fuerint,
hereditatem significat, sed cum lite & controuersia.

audrasi miora



Quando inueneris inter pollicis iuncturas, duas lineas
 extensas & bene coniunctas, hominem significat lusorem,
 sed ob ludum uitæ periculum adibit fortasse, & raro lu-
 crabitur, sed si fuerint disiunctæ uel flexuosæ, damnum pa-
 tietur à furibus.



Quando inueneris manum quæ intrinsecus infra su-
 premam compagem habeat lineas duas secum coniunctas
 aquæ periculum significat. Sed si nigrae fuerint, iam euasis-
 se significant, si autem pallide, aut in puericia fuisse, aut id
 sero uenturum significabunt. At si extrinsecus fuerint ignis
 flammum minabunt.



Quando inueneris primum pollicis articulum qui habeat lineam sibi adhaerentem intrinsecus ab indicis parte talem suspendendum significat, & eo magis quando a mensali praesentem lineam descendentem inueneris, ut apparet uerum si extrinsecus dicta pollicis linea coniungeretur intrinsecus uero minime capitis assumptione minatur, quod si circumqua; ambiat, suspensionem indicabit.



Quando inueneris superne, lineas ex parte auricula-
ris, tot filios notos significat, quot ipse fuerint, & si tortuo-
se fuerint, mortuos aut ignotos significant.

Quando mensalis curuabitur, & cadet inter medium
& indicem, semper sanguinis effusionem quoque modo si-
gnificabit, ut alibi copiose diximus.



Quando huiusmodi lineis pollicis montem inueneris, hominem significat uenercum & libidinosum, & ea causa affinium perdet amorem, & cum suis superioribus in discordiis incidetur. Quando inueneris duas lineas prope unguem pulchras & apparentes, rerum copiam & amplificationem significat, etiam si fuerint implicate. Sed si esset disiuncte, debiles & pallide, rerum copiam amissurum significat, uel domo pellendum ne eam possidere queat.



Veneris mons & tumidus in cuiuspiam manu & altus,
hominem indicabit luxuriosum, sed quia Musica delecte-
tur & instrumentis, probus tamen & cæteris cum homi-
nibus uersatur.



Quando in manu intra lineam vite, unum signum inue-
nietur, inimicitiam magno cum viro significat, & si tetige-
rit ut hoc damnum ab eo aliquod significat inferendum.



Quando inueneris manum quae tribus cum ramis ri-
 mulam habeat, ut hic signum est, talem odio haberi à po-
 tenti uiro, sed id astute faciet, dissimulans amicitiam, & cæ-
 teros ad nocendum stimulabit, sed parum nocebit, neq; illū
 uerebitur aut sua nocumenta.



Quando inueneris duas rimulas supra uitæ lineam iacentes, sintq; coloratæ, ut hic, cum proximis cognatis discordiam significat, quales sunt fratres, cōsobrini, aut uxoris fratres, uel matris.



Quando inueneris duas lineas iacentes, quemadmodū
hic apparet, hominē significat igne damnum aliquod per-
pessum, aut proprio corpore lesū.

Quando



Quando inueneris fœminam quæ palmam manus bre-
uem habeat, & digitos longos, magna cum difficultate pa-
rituram significat, & hoc ob modicam uulvæ fissuram.

N



Quādo inueneris manum parum longiusculam, sintq;
 digiti crassiusculi, hominem significat lentum, tardum, pig-
 rum & flegmaticæ complexionis, uir tamen est probus,
 & modestissimus.

quodammodo & lentum.



Quādo inueneris manum palmā oblongam, digitosq;
 laudate proportionis, neq; mollem tactu, sed duram, po-
 tius hominem uaria in mala ingeniosum, & precipue furē
 nonnihil & uiciosum.



Quando inueneris quempiam cui sit concava solida ex
articulis probe compacta manus, uitæ longitudinem signi-
ficat, sed multa hominem malicia præditum. Quod si non
esset commode articulata, præsefert uitæ breuitatem. Sed
talis quocunq; potuerit modo in accumulanda pecunia in-
sudabit.



Quando inueneris manum longam, subtilem, & bene proportionatam iuxta corporis qualitatem, ac boni coloris, bonis moribus præditum significat, uitæ longæ futurū, & iustitiæ amatorem; quiq; amet, colat ac timeat Deum.

N^o 3



Quando inueneris manum ad corporis habitudinem
 breuissimam, hominem significat cauillosum, sagacem, et
 qui uerba ferre non possit, sed fortem, idq; brachijs potissi-
 mum.



Quando inueneris aliquem cui sit manus ad totius corporis quantitatem breuissima, digiti quoq; nimium breues et crassiores in uertice, ibiq; latiusculi ut geminorum corniculorum speciem faciant, hominem significat transgressorem, furem, insidiatorem, omniq; repletum nequitia, tantoq; magis, quo fuerint in uertice digiti latiores.



Quando palma manus fuerit propria proportionē lon-
 gior digitiq; ut breuiiores ita crassiores, pigrum significat
 hominem, negligentem, stultum, superbum, et eo magis si
 in percussione largior manus fuerit, et omni hōq. totum nū



Quando inueneris quempiam cuius praelongæ sint
 magnæq; manus, eiusmodi liberalem significant ac probū
 astutum quoq; magno ingenio, & bono consilio præditū
 in amicos, postremo fidsimum.



Quando inueneris quempiam, qui manum breuiorem
ad reliquarum corporis partium proportionem habeat,
hominem significat loquacem & deuotorem, cuius est
ingluuius inexplebilis. Is conuitia in reliquos homines iactat
neq; à quoquàm nisi more suo patitur reprehendi.



Quando inueneris quempiam, cuius in manu sint adeo
cōiuncti & adherētes digiti, ut uix aer permeare queat, ut
in presenti figura ostenditur, hominē significat curiosum
& sollicitum omnibus suis in negocijs, pro se quidem non,
pro ceteris ostendit. Quod si longiores essent digiti, aua-
rum & malignum, & nōnihil bestialem ostenditur, cuius
astutia in malum potius quàm in bonum conuertetur. Is exi-
stimans uitia uirtutes, sese bonum iactat, cum sit potius be-
lua censendus.



Quando inueneris aliquē cuius digiti in dorsum manus uergant, cum supple iniustū, subtilem, ingeniosum, tantoq; magis si digiti ipsi ossei fuerint, ita ut sicci quodammodo, hoc est tactu duri uideantur. Augebitur signum, quando lineæ in articulorum compagibus farinacei fuerint aspectus, neq; palluerint. Sed sub specie inscruiendi proximis eiuscemodirapina erit in consificiendis contractibus, cum illis potiusq; calamo quàm manu furabitur.



Quando inueneris quemquam cuius digiti in supremo
articulorū ordine retrouertantur, ut hic uideri licet, homi-
nem significat inuidum, sed potius ad bonum, quod secus
et qui uirtutes amet, uitia uero odio habeat



Quando inueneris quempiam, cuius digiti fuerint dispersi, & in articulis grossiores, atq; inter ipsos articulos interualla gracilia & uelut subtracta carne sicca uideantur, miseriam & paupertatem significant. Sed eiusmodi homines loquaces sub ingenij specie postremā subeunt inopiā cum sibi nimium sapiant, & præcipue si ipsorum articulorum plicæ sint pallidæ aut farinacei aspectus. Verum si boni essent coloris, uirum probum, iusticiæ ac uirtutis amatorem indicarent.



Quando inueneris aliquem qui simul digitos percutiat
ac si tympano pulsare uelit, uaria hominem cogitatione &
animi suspitione, acuto ingenio, ingentiq; prauitate si-
gnificat.

[Faint, illegible handwritten text]



Quando inueneris aliquem qui inter loquendum cum aliquibus consuevit percutere manus, neq; possit abstinere & eiusmodi animo imperfectum & passioni obnoxium significat, & ipsum ideo facit, qui opinatur animi passionem qua affligitur sibi ab alijs non credi, est tamen probus uir & amicorum studiosissimus.

Quando



Quando inueneris quempiã cuius manus modeste con-
 tremiscat, dum porrigit eam ut aliquid accipiat, signum
 est hominis ab ira uelociter redeuntis, probeq; nature
 amanti honores, timentis Deum et pudorem, tamen si in
 primo motu sit aliquantulum colericus.



Quando inueneris hominem qui quando comedit mouet os; & porrigit ad manum uel ad cibū quem manu tenet, talem gulosum & prauis moribus præditū significat, malo ingenio, discordem cum cæteris & iracundum.

Quando inueneris quempiam qui dum ambulat clausas manus tenere consuevit, mouens brachium, hoc est, ultro citroq; deducens, eum significat impetuosum, & uarias ad res cogitabūdum, ut interdum propriæ uitæ obliuiscatur.



Quando inueneris aliquem qui montem Veneris ha-
beat tumidum & altum, significat hominem luxuriosum,
etiam delectatur Musica & instrumentis, homo iracun-
dus cum socijs, & non nihil prodigus.



Quando inueneris hominem pollicem inter alios digitos tenentem, huiusmodi avarum esse significat, & qui per fas & nefas uiuere uelit.

Quando inueneris hominem qui manus supra zonam uel in sinu tenere soleat aut aliquando ad zonam, aut post terga tanquam essent ligatæ, aut sub zona, aut ante, aut retro spaciando, hic adeo probus est, ut nihil melius dici queat.



A D L E C T O R E M.

OPORTET linearum quæ sunt in manibus rationem habere, Nam sinistra manus suas efficit lineas à uirtutibus & potencijs coelestibus procedētes. Quia in re, chare Lector, est aduertendum, ut sinistræ lineas, dextræ lineis, non esse similes, neq; etiam ita perfectas aut conspicuas. Cum autem simul conformes inueneris, scias in dubitanter, affectum produci in bonum aut malum. Si autem difformes fuerint, neq; simul debitā habuerint convenientiam, superiores cœlorū potentias magis fauisse illi parti. Vbi perfectiores reperiūtur lineæ, iudicato, siue illud in dextra, siue in sinistra fuerint manu. Sinistra eas in conceptionis hora, dextra uero in natiuitatis momento producit, tunc iudicium tuum ex lineis in sinistra existentibus, effcito. Aut si sunt scœuolæ, in dextra, quia sinistram pro dextra manu utuntur. Vale.

A R G E N T I N A E A P V D

• Ioanmem Albrecht. Anno. XXXIII.

SPECIAL 85-B
23520
V. 2

